

四庫全書薈要

• 乾隆御覽本

史部

資治通鑑卷一百四十九 宋 司馬光 撰

胡三省 音註

梁紀五

起屠維大淵獻盡
昭陽單閼凡五年

高祖武皇帝五

天監十八年春正月甲申以尚書左僕射袁昂為尚書
令右僕射王暕為左僕射

暕古
限翻

太子詹事徐勉為右僕

射 丁亥魏主下詔稱太后臨朝踐極歲將半紀

胡后
臨朝

見上卷 十四年 宜稱詔以令宇內 辛卯上祀南郊 魏征西

將軍張彞之子仲瑀上封事求銓削選格

瑀音禹上時掌銓量也

選須銷翻下 排抑武人不使豫清品於是喧謗盈路立

榜大巷克期會集屠害其家彞父子晏然不以為意

方利

林虎賁立榜克期之初魏朝既不為之嚴加禁遏縱彞父子欲以為意奈之何哉 二月庚午羽

林虎賁近千人

賁音奔近其斬翻

相帥至高書省詬罵

帥讀曰率詬戶

連翻又 求仲瑀兄左民郎中始均不獲

尚書左民郎以晉武帝置

瓦石擊省門上下懾懼莫敢禁討

攝之涉翻

遂持火掠道中

薪蒿以杖石為兵器直造其第曳爨堂下捶辱極意焚

其第舍始均踰垣走復還拜賊

造七到翻撫止慈翻復扶又翻下不復誰復同

請其父命賊就毆擊生投之火中仲瑀重傷走免爨僅

有餘息

言氣息奄奄僅未絕耳

再宿而死遠近震駭胡太后收掩

羽林虎賁凶彊者八人斬之其餘不復窮治

治直之翻

乙亥

大赦以安之因令武官得依資入選識者知魏之將亂

矣時官員既少

少詩治翻

應選者多吏部尚書李韶銓注不

行大致怨嗟更以殿中尚書崔亮為吏部尚書亮奏為

格制不問士之賢愚專以停解月日為斷

斷丁
亂翻

沈滯者

皆稱其能

沈持
林翻

亮甥司空諮議劉景安與亮書曰殷周

以鄉塾貢士

王制命卿論秀士升之司徒曰選
士司徒論秀士而升之學曰俊士

兩漢由

州郡薦才

謂賢良文學孝廉
之舉也事見漢紀

魏晉因循又置中正

事見
六十

九卷魏文帝
黃初元年

雖未盡美應什收六七而朝廷貢才止求

其文不取其理察孝廉唯論章句不及治道

治直
吏翻

立中

正不考才行空辯氏姓取士之途不博沙汰之理未精

舅屬當銓衡宜改張易調

行下孟翻屬之欲翻董仲舒
曰譬如琴瑟不調必改而更

張之不調謂不和也易
調之調徒鈞翻音調也

如何反為停年格以限之天下

士子誰復修厲名行哉

行下孟翻

亮復書曰汝所言乃有深

致吾昨為此格有由而然古今不同時宜須異昔子產

鑄刑書以救弊叔向譏之以正灋

復扶又翻左傳昭六年鄭人鑄刑書叔向

語子產書曰先王議事以制不為刑辟開之以義糾之以政行之以禮守之以信制為祿位以勸其從嚴斷刑罰以威其淫懼其未也故誨之以忠聳之以行教之以務使之以和臨之以敬蒞之以彊斷之以剛猶求聖哲之士明察之官忠信之長慈惠之師民於是可任使也而不生禍亂民知有辟則不忌其上並有爭心以徵於書而散幸以成之弗可為矣亂獄滋豐賄賂並行終子之世鄭其敗乎復書曰僞不才不能及子孫吾以救世

也何異汝以古禮難權宜哉

難乃旦翻

洛陽令代人薛琰

魏書

官氏志西方叱干氏後改爲薛氏琰之六翻又音似

上書言黎元之命繫于長吏

若以選曹唯取年勞不簡能否義均行鴈次若貫魚

鴈行

貫魚皆以諭資次先後以序而進也上時掌翻長知兩翻選須絹翻行戶剛翻

執簿呼名一吏

足矣數人而用何謂銓衡書奏不報後因請見復奏乞

令王公貴臣薦賢以補郡縣

見賢通翻復扶又翻

詔公卿議之事

亦寢其後甄琛等繼亮為吏部尚書

甄之人翻琛且林翻

利其便

已踵而行之魏之選舉失人自亮始也初燕燕郡太守

高湖奔魏

事見一百一十一卷晉安帝隆安三年燕因肩翻

其子謚為侍御史

考異曰李百藥北齊書作謚北史作謚今從之

坐法徙懷朔鎮世居北邊遂

習鮮卑之事謚孫歡沈深有大志

沈持林翻

家貧執役在平

城富人婁氏女見而奇之遂嫁焉始有馬得給鎮為函

使

凡書表皆函封函使者使奉正詣京師也使疏吏翻

至洛陽見張彞之死還家

傾貲以結客或問其故歡曰宿衛相帥焚大臣之第

帥請

曰率考異曰北齊書云領軍張彞按彞未嘗為領軍故但云大臣朝廷懼其亂而不問

為政如此事可知矣財物豈可常守邪歡與懷朔省事

雲中司馬子如

省事鎮吏也省恭景翻

秀容劉貴

魏太宗永興二年置秀容郡及

秀容縣世祖真君七年置肆州秀容郡屬焉

中山賈顯智戶曹史咸陽孫騰

外兵史懷朔侯景

史亦吏職也

獄掾善無尉景

善無縣前漢屬雁門郡後

漢屬定襄郡拓拔氏置善無郡屬恒州李延壽曰秦漢置尉候官景之先有居此職者因氏焉

廣寧蔡

雋

廣寧郡魏收志屬朔州隋并入朔州善陽縣

特相友善並以任俠雄於鄉

里

高世事始此

夏四月丁巳大赦

五月戊戌魏以任城

王澄為司徒京兆王繼為司空

魏累世彊盛東夷西

域貢獻不絕又立互市以致南貨至是府庫盈溢胡太

后嘗幸絹藏

藏徂浪翻

命王公嬪主從行者百餘人各自負

絹稱力取之

稱尺證翻

少者不減百餘匹

少詩沼翻下同

尚書令儀

同三司李崇章武王融負絹過重顛仆於地崇傷腰融

損足太后奪其絹使空出時人笑之融太洛之子也

武章

王太洛見一百三十二卷宋明帝泰始四年

侍中崔光止取兩匹太后怪其

少對曰臣兩手唯堪兩匹衆皆愧之時魏宗室權倖之

臣競為豪侈高陽王雍富貴冠一國宮室園圃侔於禁

苑僮僕六千妓女五百出則儀衛塞道路

冠古玩翻塞悲則翻

歸

則歌吹連日夜一食直錢數萬李崇富埒於雍而性儉

膏膏謂人曰高陽一食敵我千日

埒力
輟翻

河間王琛每欲

與雍爭富駿馬十餘匹皆以銀為槽窻戶之上玉鳳銜

鈴金龍吐旆嘗會諸王宴飲酒器有水精鋒

後漢書大
秦國出水

精以為宮室柱及
食器一本鋒作鍾

馬腦椀

本草衍義曰馬腦非石非玉
自是一類有紅白黑色三種

亦有紋如纓絡者
生西國玉石間

赤玉卮

王逸論或問玉符曰赤如雞
冠黃如蒸栗白如脂肪黑如

點漆玉
之符也

制作精巧皆中國所無又陳女樂名馬及諸奇

寶復引諸王歷觀府庫金錢繒布不可勝計

復扶又翻
勝音升

顧謂章武王融曰不恨我不見石崇恨石崇不見我

石崇

事見八十一卷晉武帝太康三年

融素以富自負歸而惋歎三日

惋烏貫翻

京兆王繼聞而省之謂曰卿之貨財計不減於彼何為

愧羨乃爾融曰始謂富於我者獨高陽耳不意復有河

間繼曰卿似袁術在淮南不知世間復有劉備耳融乃

笑而起

物盛而衰固其理也史言魏君臣驕侈乃其衰亂之漸復扶又翻下無復司復同

太后

好佛營建諸寺無復窮已令諸州各建五級浮圖民力

疲弊諸王貴人宦官羽林各建寺于洛陽相高以壯麗

太后數設齋會施僧物動以萬計

好呼到翻數所
角翻施式鼓翻

賞賜

左右無節所費不貲而未嘗施惠及民府庫漸虛乃減

削百官祿力

祿在官所受之祿力
在官所用白直也

任城王澄上表以為

蕭衍常蓄窺覲之志

覲音
俞

宜及國家彊盛將士旅力早

圖混壹之功比年以來

比毗
至翻

公私貧困宜節省浮費以

周急務太后雖不能用常優禮之魏自永平以來

天監
七年

魏改元
永平

營明堂辟雍役者多不過千人有司復借以脩

寺及供它役十餘年竟不能成起部郎源子恭上書以

為廢經國之務資不急之費宜徹減諸役早圖就功使

祖宗有嚴配之期

孝經孔子曰孝莫大于嚴父嚴父莫大于配天昔者周公郊祀后稷以配

天宗祀文王于明堂以配上帝

蒼生有禮樂之富詔從之然亦不能成

也魏人陳仲儒請依京房立準以調八音有司詰仲

儒京房律準今雖有其器曉之者鮮

詰去吉翻
鮮息淺翻

仲儒所

受何師出何典籍仲儒對言性頗愛琴又嘗讀司馬彪

續漢書見京房準術成數眊然

司馬彪志曰京房六十律相生之法以上生下

皆三生二以下生上皆三生四陽下生陰陰上生陽終于中呂而十二律畢矣中呂上生執始執始下生去滅

上下相生終于南事而六十律畢矣夫十二律之變至於六十猶八卦之變至於六十四也安義作易紀陽氣之初以為律法建日冬至之宮以黃鍾為宮太簇為商姑洗為角林鍾為徵南呂為羽應鍾為變宮蕤賓為變徵此聲氣之元五音之正也故各終一日其餘以次運行當日者各自為宮而商徵以類從焉禮運曰五聲六律十二管還相為宮此之謂也以六十律分晷之日黃鍾自冬至始及冬至而復陰陽寒燠風雨之占生焉於以檢攝聲音考其高下苟非草木之聲則無所不合虞書曰律和聲此之謂也房又曰竹聲不可以度調故作準以定數準之狀如瑟長丈而十三弦隱間九尺以應黃鍾之律九寸中央一弦下有畫分寸以為六十律清濁之節房言律詳於劉歆所奏其術施行於史官房部用之律術曰陽以圓為形其性動陰以方為節其性靜動者數三靜者數一以陽生陰倍之以陰生陽四之皆三而一陽生陰曰下生陰生陽曰上生上生不得過黃

鍾之清濁下生不得及黃鍾之數實皆參天兩地圓蓋方覆六耦承奇之道也黃鍾律呂之首而生十一律者也其相生也皆三分而損益之是故十二律之得十七萬七千一百四十七是為黃鍾之實又以二乘而三約之是為下生林鍾之實又以四乘而三約之是為上生太簇之實推此上下以定六十律之實以九三之數萬九千六百八十三為法律為寸於準為尺不盈者十之所得為分又不盈十之所得為小分以其餘正其強弱以黃鍾十七萬七千一百四十七下生林鍾黃鍾為宮太簇商林鍾徵一日律九寸準九尺色育十七萬六千七百七十六下生蕤待未知商蕤待徵六日律八寸九分小分八微強準八尺九寸萬五千九百七十三執始十七萬四千七百六十二下生去滅執始為宮時息商去滅徵六日律八寸八分小分七大強準八尺八寸萬五千五百一十六丙戌十七萬二千四百一十下生安度丙戌為宮屈齊商安度徵六日律八寸七分小分六

徵弱準八尺七寸萬一千六百七十九分動十七萬八
十九下生歸嘉分動為宮隨期商歸嘉徵六日律八寸
六分小分四強準八尺六寸八千一百五十二質未十
六萬七千八百下生否與質未為宮形晉商否與徵六
日律八寸五分小分二徵強準八尺五寸四千九百四
十五大呂十六萬五千八百八十八下生夷則大呂為
宮夾鍾商夷則徵八日律八寸四分小分三弱準八尺
四寸五千五百八分否十六萬三千六百五十四下生
解形分否為宮開時商解形徵八日律八寸三分小分
一強準八尺三寸二千八百五十一凌陰十六萬一千
四百五十二下生去南凌陰為宮族嘉商去南徵八日
律八寸二分小分一弱準八尺二寸五百一十四少出
十五萬九千二百八十下生分積少出為宮爭南商分
積徵六日律八寸小分九強準八尺萬八千一百六十
太簇十五萬七千四百六十四下生南呂太簇為宮姑
洗商南呂徵一日律八寸準八尺未知十五萬七千一

百三十四下生白呂未知為宮南授商白呂徵六日律
七寸九分小分八強準七尺九寸萬六千三百八十三
時息十五萬五千三百四十四下生結躬時息為宮變
虞商結躬徵六日律七寸八分小分九少強準七尺八
寸萬八千一百六十六屈齊十五萬三千二百五十三
下生歸期屈齊為宮路時商歸期徵六日律七寸七分
小分九弱準七尺七寸萬六千九百三十九隨期十五
萬一千一百九十十下生未卯隨期為宮形始商未卯徵
六日律七寸六分小分八強準七尺六寸萬五千九百
九十二形晉十四萬九千一百五十五下生夷汗形晉
為宮依行商夷汗徵六日律七寸五分小分八弱準七
尺五寸萬五千三百二十五夾鍾十四萬七千四百五
十六下生無射夾鍾為宮中呂商無射徵六日律七寸
四分小分九強準七尺四寸萬八千四十八開時十四
萬五千四百七十下生閉掩開時為宮中呂商閉掩徵
八日律七寸三分小分九微弱準七尺三寸萬七千八

百四十一族嘉十四萬三千五百一十三下生鄰齊族
嘉為宮內負商鄰齊徵八日律七寸二分小分九徵強
準七尺二寸萬七千九百五十四爭南十四萬一千五
百八十二下生期保爭南為宮物應商期保徵八日律
七寸一分小分九強準七尺一寸萬八千三百二十七
姑洗十三萬九千九百六十八下生應鍾姑洗為宮蕤
賓商應鍾徵一日律七寸一分小分一徵強準七尺一
寸二千一百八十七南授十三萬九千六百七十下生
分鳥南授為宮南事商分鳥徵六日律七寸小分九大
強準七尺萬八千九百三十變虞十三萬八千八十四
下生遲內變虞為宮咸變商遲內徵六日律七寸小分
一半強準七尺三千三十路時十三萬六千二百二十
五下生未育路時為宮離宮商未育徵六日律六寸九
分小分二徵強準六尺九寸四千一百二十三形始十
三萬四千三百九十二下生遲時形始為宮制時商遲
時徵五日律六寸八分小分三弱準六尺八寸五千四

百七十六依行十三萬二千五百八十二上生色育依
行為宮謙待商色育徵七日律六寸七分小分三大強
準六尺七寸七千五百九十九中呂十三萬一千七十二上
生執始中呂為宮去減商執始徵八日律六寸六分小
分六弱準六尺六寸萬一千六百四十二南中十二萬
九千三百八十八上生丙盛南中為宮安度商丙盛徵七日
律六寸五分小分七微弱準六尺五寸萬三千六百八
十五內負十二萬七千五百六十七上生分動內負為
宮歸嘉商分動徵八日律六寸四分小分八強準六尺
四寸萬五千四百五十物應十二萬五千八百五十五上
生質未物應為宮否與商質未徵七日律六寸三分小
分九強準六尺三寸萬八千四百八十蕤賓十二萬四
千四百一十六上生大呂蕤賓為宮夷則商大呂徵一
日律六寸三分小分二微強準六尺三寸四千一百三
十一南事十二萬四千一百五十四下生南事窮無商
徵不為宮十日律六寸三分小分一弱準六尺三寸一

千五百三十一盛變十二萬二千七百四十一上生分
否盛變為宮解形商分否徵七日律六寸二分小分三
大強準六尺二寸七千六十四離宮十二萬一千八百
一十九上生凌陰離宮為宮去南商凌陰徵七日律六
寸一分小分五微強準六尺一寸萬二千二百二十七制時
十一萬九千四百六十上生少出制時為宮分積商少
出徵八日律六寸小分七弱準六尺萬三千六百二十
林鍾十一萬八千九十八上生太簇林鍾為宮南呂商
太簇徵一日律六寸準六尺謙待十一萬七千八百五
十一上生未知謙待為宮白呂商未知徵五日律五寸
九分小分九弱準五尺九寸萬七千二百一十三去減
十一萬六千五百八上生時息去減為宮結躬商時息
徵七日律五寸九分小分二弱準五尺九寸三千七百
八十三安度十一萬四千九百四十上生屈齊安度為
宮歸期商屈齊徵六日律五寸八分小分四弱準五尺
八寸七千七百八十六歸嘉十一萬三千三百九十三

上生隨期歸嘉為宮未卯商隨期徵六日律五寸七分
小分六徵強準五尺七寸萬一千九百九十九否與十
一萬一千八百六十七上生形晉否與為宮夷汗商形
晉徵五日律五寸六分小分八強準五尺六寸萬六千
四百二十二夷則十一萬五千九百九十二上生夾鍾夷則
為宮無射商夾鍾徵八日律五寸六分小分二弱準五
尺六寸三千六百七十二解形十一萬九千一百三上
生開時解形為宮閉掩商開時徵八日律五寸五分小
分四強準五尺五寸八千四百六十五去南十萬七千
六百三十五上生族嘉去南為宮鄰齊商族嘉徵八日
律五寸四分小分六大強準五尺四寸萬三千四百六
十八分積十萬六千一百八十八上生爭南分積為宮
期保商爭南徵五日律五寸三分小分九半強準五尺
三寸萬八千六百八十一南呂八萬四千九百七十六
上生姑洗南呂為宮應鍾商姑洗徵一日律五寸三分
小分三強準五尺三寸六千五百六十一白呂十萬四

千七百五十六上生南授白呂為宮分烏商南授徵五
日律五寸三分小分二強準五尺三寸四千三百七十
一結躬十萬三千五百六十三上生變虞結躬為宮遲
內商變虞徵六日律五寸二分小分六少強準五尺二
寸萬二千一百一十四歸期十萬二千一百六十九上
生路時歸期為宮未育商路時徵六日律五寸一分小
分九徵強準五尺一寸萬七千八百五十七未卯十萬
七百九十四上生形始未卯為宮遲時商形始徵六日
律五寸一分小分二徵強準五尺一寸四千八十七夷
汗九萬九千四百三十七上生依行夷汗為宮色育商
依行徵七日律五寸小分五強準五尺萬二百二十無
射九萬八千三百四上生中呂無射為宮執始商中呂
徵八日律四寸九分小分九強準四尺九寸萬八千五
百七十三閉掩九萬六千九百八十上生南中閉掩為
宮丙戚商南中徵八日律四寸九分小分三弱準四尺
九寸五千三百三十三鄰齊九萬五千六百七十五上

生內負部齊為宮分動商內負徵七日律四寸八分小
分六微強準四尺八寸萬一千九百六十六期保九萬
四千三百八十八上生物應期保為宮質未商物應徵
八日律四寸七分小分九微弱準四尺七寸萬八千七
百七十九應鍾九萬三千三百一十二上生蕤賓應鍾
為宮大呂商蕤賓微一日律四寸七分小分四微強準
四尺七寸八千九百九十九分烏九萬三千一百一十七上生
南事分烏窮次無徵不為宮七日律四寸七分小分三
微強準四尺七寸六千五百九十九遁內九萬二千九十六
上生或變遲內為宮分否商或變徵八日律四寸六分
小分八弱準四尺六寸萬五千一百四十二未有九萬
八百一十七上生離宮未有為宮凌陰商離宮徵八日
律四寸六分小分一少強準四尺六寸二千七百五十
二遲時八萬九千五百九十五上生制時遲時為宮少
出商制時徵六日律四寸五分小分五強準四尺五寸
萬二百一十五截管為律吹以考聲列以物氣道之本

也將家以其聲微而體難知其分數不明故作準以代之準之聲明暢易達分寸又粗然弦以緩急清濁非管無以正也均其中弦令與黃鍾相得按畫以求諸律無不如數而應者矣音聲精微綜之者解晉書樂志宮中也中和之道無往而不理商強也謂金性堅強角觸也象諸陽觸物而生微止也言物感則止羽舒也陽氣將復萬物尊育而舒生宋白曰合口通音謂之宮其聲雄雄洪洪然開口吐聲謂之商其音鉦鉦倉倉然張牙湧唇謂之角其音喔喔確確然齒合唇開謂之徵其音倚倚戚戚然齒開唇聚謂之羽其音翺翺于吁然

竭愚思

思相史翻

鑽研甚久頗有所得夫準者所以代律取

其分數調校樂器竊尋調聲之體宮商宜濁徵羽宜清

徵陽里翻下同

若依公孫崇止以十二律聲而云還相為宮

還音

旋清濁悉足唯黃鍾管最長故以黃鍾為宮則徃徃相

順若均之八音猶須錯采衆音配成其美若以應鍾為

宮蕤賓為徵則徵濁而宮清雖有其韻不成音曲若以

中呂為宮則十二律中全無所取今依京房書中呂為

宮乃以去滅為商執始為徵然後方韻而崇乃以中呂

為宮猶用林鍾為徵何由可諧

中呂陸德明曰中音仲又如字

但音聲

精微史傳簡略舊志準十三絃隱間九尺不言須柱以

不

不讀曰否今刑統疏議多用以否二字蓋當時常用疑辭也

又一寸之內有萬九

千六百八十三分微細難明仲儒私曾考驗準當施柱

但前却柱中以約準分則相生之韻已自應合其中絃

粗細

粗謂曰蟲

須與琴宮相類施軫以調聲令與黃鍾相合

中絃下依數畫六十律清濁之節其餘十二絃須施柱

如箏即於中絃案畫一周之聲度著十二絃上

度直略翻

然

後依相生之法以次運行取十二律之商徵商徵既定

又依琴五調調聲之法以均樂器

五調之調徒鈞翻調聲之調如字

然

後錯采衆聲以文飾之若事有乖此聲則不和且燧人

不師資而習火

古者未有火化燧人氏始鑽燧出火教民熟食

延壽不束脩以

變律

延壽即京房之師焦延壽也言無所師承而變十二律為六十律也孔子曰自行束脩以上吾未嘗

無誨焉朱元晦注曰脩脯也十脔為束古者相見必執贄以為禮束脩其至薄者也故云知之者

欲教而無從心違者體知而無師苟有一毫所得皆闕

心抱豈必要經師受然後為奇哉尚書蕭寶寅秦仲儒

學不師受輕欲制作不敢依許事遂寢魏中尉東平

王匡以論議數為任城王澄所奪憤恚復治其故棺

匡造

棺見一百四十七卷七年執所角翻恚於避翻復扶又翻治直之翻欲奏攻澄澄因奏匡

罪狀三十餘條廷尉處以死刑

處呂翻

秋八月己未詔免

死削除官爵以車騎將軍侯剛代領中尉

騎奇寄翻

三公郎

中辛雄奏理匡

曹魏置尚書三公郎

以為歷奉三朝骨鯁之迹朝

野具知

朝直遂翻

故高祖賜名曰匡先帝既已容之於前陛

下亦宜寬之於後若終貶黜恐杜忠臣之口未幾復除

匡平州刺史

幾居豈翻復扶又翻

雄琛之族孫也

辛琛見一百四十七卷天監六

年琛丑林翻

九月庚寅朔胡太后遊嵩高癸巳還宮太后

從容謂兼中書舍人楊昱曰親姻在外不稱人心

從千宏翻

桐尺
正翻

卿有聞慎勿諱隱昱奏揚州刺史李崇五車載貨

相州刺史楊鈞造銀食器餉領軍元乂

相息
亮翻

太后召乂

夫妻泣而責之

泣而責之受
誨之意也

乂由是怨昱叔父舒妻

武昌王和之妹也和即乂之從祖

從才
用翻

舒卒元氏頻請

別居昱父椿泣責不聽元氏恨之會瀛州民劉宣明謀

反事覺逃亡乂使和及元氏誣告昱藏匿宣明且云昱

父定州刺史椿叔父華州刺史津並送甲仗三百具謀

為不逞

華戶
化翻

乂復構成之遣御仗五百人夜圍昱宅收

之一無所獲太后聞其狀昱具對為元氏所怨太后解

昱縛處和及元氏死刑

復扶又翻處昌呂翻

既而又營救之和直

免官元氏竟不坐

史言靈后昵庇元氏以自為惠

冬十二月癸丑魏

任城文宣王澄卒

任音壬卒子恤翻

庚申魏大赦

是歲高

句麗王雲卒世子安立

句如字又音駒麗力知翻

魏以郎選不精

大加沙汰

以水淘去沙石謂之沙汰故以喻去不肖

唯朱元旭辛雄羊深源

子恭及范陽祖瑩等八人以才用見留餘皆罷遣深社

之子也

正始之初羊社鎮渠益

普通元年春正月乙亥朔改元大赦 丙子日有食之

己卯以臨川王宏為太尉揚州刺史金紫光祿大夫

王份為尚書左僕射份與之弟也

份彼陳翻王與死于齊武帝永明十一年

左軍將軍豫寧威伯馮道根卒

五代志豫章郡建昌縣舊有豫寧縣宋白

曰漢建安中分建昌立西安縣晉太康元年改為豫寧縣

是日上春祠二廟

帝立太廟祀太

祖文皇帝以上為六親廟皆同一堂共廡而別室又有小廟太祖太夫人廟也非嫡故別立廟皇帝每祭太廟訖乃詣小廟亦以一太牢如太廟禮有二廟令掌廟事

既出宮有司以聞上問中

書舍人朱异曰吉凶同日今可行乎對曰昔衛獻公聞

柳莊死不釋祭服而往

記禮子曰衛太史柳莊寢疾公曰若疾革雖當祭必告公再拜

稽首請於尸曰有臣柳莊也者非寡人之臣社稷之臣也聞之死請往不釋服而往遂以禭之

道根雖

未為社稷之臣亦有勞王室臨之禮也上即幸其宅哭

之甚慟高句麗世子安遣使入貢二月癸丑以安為

寧東將軍高句麗王

句音駒麗力知
翻使疏吏翻

遣使者江灋盛授

安衣冠劔佩魏光州兵就海中執之送洛陽

魏皇興四年分青州

置光州領東萊長
廣東牟鄒治旄

魏太傅侍中清河文獻王懌美丰

儀胡太后逼而幸之然素有才能輔政多所匡益好文

學

好呼到翻

禮敬士人時望甚重侍中領軍將軍元義在門

下兼總禁兵恃寵驕恣志欲無極憚每裁之以法义由

是怨之衛將軍儀同三司劉騰權傾内外吏部希騰意

奏用騰弟為郡人資乖越

人非其才為乖資非其次為越

憚抑而不奏

騰亦怨之龍驤府長史宋維弁之子也

宋弁見用于魏孝文帝驤恩將

翻長之兩翻

憚薦為通直郎

通直郎即通直散騎侍郎隋後遂為寄祿官

浮薄無

行

行下孟翻

义許維以富貴使告司染都尉韓文殊父子謀

作亂立憚

周官有染人漢有平準令主練染作米色後魏置司染都尉後齊太府寺屬官有司染署

令丞陸德明染而
豐翻劉音而險翻

懌坐禁止案驗無反狀得釋維當反

坐

反坐誣告失實者以其所告之罪坐之

又言於太后曰今誅維後有真

反者人莫敢告乃黜維為昌平郡守

昌平縣漢屬上谷郡後魏置昌平郡

屬燕州隋復廢郡為縣屬幽州

又恐懌終為己害乃與劉騰密謀使主

食中黃門胡定自列

主食主御食者也列陳也

云懌貨定使毒魏主

若己得為帝許定以富貴帝時年十一信之秋七月丙

子太后在嘉福殿未御前殿又奉帝御顯陽殿騰閉永

巷門太后不得出懌入遇又於含章殿後又厲聲不聽

憚入憚曰汝欲反邪義曰義不反正欲縛反者耳命宗

士及直齋執憚衣袂將入含章東省

魏置宗師宗士其屬也直齋直殿內

齋閤者也屬直閤將引也送也

使人防守之騰稱詔集公卿議論憚大

逆衆咸畏義無敢異者唯僕射新泰文貞公游肇抗言

以為不可

五代志新泰縣屬琅邪郡

終不下署

不下筆署名也

義騰持公卿

議入俄而得可

魏主可其奏也

夜中殺憚於是詐為太后詔自

稱有疾還政於帝幽太后於北宮宣光殿宮門晝夜長

閉內外斷絕騰自執管鑰帝亦不得省見

省志景翻見賢通翻

裁

聽傳食而已太后服膳俱廢不免飢寒乃歎曰養虎得

噬我之謂矣又使中常侍賈桀侍帝書密令防察動止

又遂與太師高陽王雍等同輔政帝謂義為姨父義與

騰表裏擅權義為外禦騰為內防常直禁省共裁刑賞

政無巨細決於二人威振內外百僚重跡

重直龍翻言懼之甚不敢

妄舉足而行步步踏陳迹也

朝野聞懾死莫不喪氣

喪息浪翻

胡夷為之

務面者數百人

為于偽翻務里之翻胡夷臨喪務面而哭哀甚

游肇憤邑而卒

己卯江淮海並溢

辛卯魏主加元服大赦改元正

光 魏相州刺史中山文莊王熙英之子也

元英事魏孝文宣武

數將兵有功相息亮翻

與弟給事黃門侍郎略司徒祭酒纂

自曹魏以

來公府有東西閭祭酒

皆為清河王懌所厚聞懌死起兵於鄴上

表欲誅元乂劉騰纂亡奔鄴後十日長史柳元章等帥

城人鼓譟而入

帥讀曰率下同

殺其左右執熙纂并諸子置於

高樓八月甲寅元乂遣尚書左丞盧同就斬熙於鄴街

并其子弟熙好文學有風義

好呼到翻

名士多與之遊將死

與故知書曰吾與弟俱蒙皇太后知遇兄據大州弟則

入侍殷勤言色恩同慈母令皇太后見廢北宮太傅清

河王橫受屠酷

橫戶孟翻

主上幼年獨在前殿君親如此無

以自安故帥兵民欲建大義於天下但智力淺短旋見

囚執

旋反也

上慙朝廷下愧相知本以名義于心不得不

爾流腸碎首復何言哉凡百君子各敬爾儀為國為身

善勛名節

復扶又翻為于偽翻下為知力為同

聞者憐之熙首至洛陽親

故莫敢視前驍騎將軍刀整獨收其尸而藏之

驍堅堯翻騎奇

寄整雍之孫也

刀雍去晉入魏著功淮汝之間

盧同希義意窮治熙黨

與

治直之翻

鎖濟陰內史楊昱赴鄴

濟陰郡漢晉屬兗州魏屬西兗州濟于禮翻

考訊百日乃得還任義以同為黃門侍郎元略亡抵故

人河內司馬始賓始賓與略縛荻筏夜渡孟津詣屯留

栗灋光家

屯留縣自漢晉以來屬上黨郡姓譜栗姓栗陸氏之後漢長安富室有栗氏師古曰屯音

純轉依西河太守刁雙匿之經年時購略甚急略懼求

送出境雙曰會有一死所難遇者為知己死耳願不以

為慮略固求南奔雙乃使從子昌送略渡江

從才用翻

遂來

奔上封略為中山王

為略從還魏張本

雙雍之族孫也義誣刁

整送略并其子弟收繫之御史王基等力為辯雪乃得

免 甲子侍中車騎將軍永昌嚴侯章獻卒

五代志零陵郡零陵

縣舊分置永昌縣蓋法服敵公莊曰嚴威而不猛曰嚴騎奇寄翻

時上方崇釋氏士民

無不從風而靡獨獻自以位居大臣不欲與俗俯仰所

行略如平日

史言章獻於事佛之朝場之以正幾於以違事君者

九月戊戌魏

以高陽王雍為丞相總攝內外與元義同決庶務 初

柔然佗汗可汗納伏名敦之妻候呂陵氏生伏跋可汗

及阿那瓌等六子

可從刊入聲汗音寒瓌古回翻

伏跋既立忽亡其幼

子祖惠求募不能得有巫地萬言祖惠今在天上我能

呼之乃於大澤中施帳幄祀天神祖惠忽在帳中自云

恒在天上

恒戶登翻

伏跋大喜號地萬為聖女納為可賀敦

柔然之主曰可汗其正室曰可賀敦

地萬既挾左道復有姿色伏跋敬而

愛之信用其言干亂國政如是積歲祖惠浸長語其母

曰我常在地萬家未嘗上天上天者地萬教我

長知兩翻

語牛倨翻上時掌翻

其母具以狀告伏跋伏跋曰地萬能前知未

然勿為讒也既而地萬懼譖祖惠於伏跋而殺之候呂

陵氏遣其大臣具列等絞殺地萬伏跋怒欲誅具列等

會阿至羅入寇

阿至羅虜之別種居北河之東世附於魏一曰阿至羅高車種

伏跋擊

之兵敗而還

還從宣翻又如字

侯呂陵氏與大臣共殺伏跋立

其弟阿那瓌為可汗阿那瓌立十日其族兄示發帥衆

數萬擊之

帥請曰率

阿那瓌戰敗與其弟乙居伐輕騎奔魏

騎奇寄翻

示發殺侯呂陵氏及阿那瓌二弟

史言柔然亂

魏清

河王懌死汝南王悅了無恨元乂之意以桑落酒候之

水經注河東郡多徙民民有姓劉名墮者宿擅工釀林杞河沈醞成芳耐懸食同枯枝之年排于桑落之辰故

酒得其名香醕之色清白若滑漿馬別調氣氣不與他
同蘭蕙麝越自成馨遠方土之貢最爲佳酌自王公庶
友牽拂相招每云索即索即返語爲朵
落也史爲藉微之偶句中書之英談
盡其私佞义大

喜冬十月乙卯以悅爲侍中太尉悅就懌子亶求懌服

玩不時稱旨

既遠延不以時納所納者又不稱悅意也稱尺證翻

杖亶百下幾死

雙店依翻

柔然可汗阿那瓌將至魏魏主使司空京兆王

繼侍中崔光等相次迎之賜勞甚厚魏主引見阿那瓌

於顯陽殿

勞力到翻見賢通翻

因置宴置阿那瓌位於親王之下

宴將罷阿那瓌執啟立于座後詔引至御座前阿那瓌

再拜言曰臣以家難

難乃旦翻

輕來詣闕本國臣民皆已逃

散陛下恩隆天地乞兵送還本國誅翦叛逆收集亡散

臣當統帥遺民奉事陛下

帥增曰率

言不能盡別有啟陳仍

以啟授中書舍人常景以聞景爽之孫也

帝爽見一百二十三卷宋

文帝元嘉六年

十一月己亥魏立阿那瓌為朔方公蠕蠕王賜

以衣服輅車

蠕人克翻輅音達

祿恤儀衛一如親王時魏方彊

盛於洛水橋南御道東作四館道西立四里有自江南來降者處之金陵館三年之後賜宅於歸正里自北夷

降者處燕然館賜宅於歸德里自東來降者處扶桑館

賜宅於慕化里自西來降者處崦嵫館賜宅於慕義里

四館皆因四方之地為名金陵在江南燕然在漠北扶桑在東日所出崦嵫在西日所入山海經曰大荒之中賜谷上有扶桑日所出也灰野之山有樹青葉赤華名曰若木日所入也生崑崙西鳥鼠山西南曰崦嵫淮南子曰經細柳西方之地崦嵫日所入也十洲記曰扶桑在碧海中長數千尺一千餘圓兩輪同根更相依倚是以名扶桑降戶江翻處昌呂翻下同燕因肩翻崦嵫依康翻又依檢翻崦嵫音茲

及阿那瓌入朝

以燕然館處之阿那瓌屢求返國朝議異同不決

朝直達翻

阿那瓌以金百斤賂元又遂聽北歸十二月壬子魏勅

懷朔都督簡銳騎二千護送阿那瓌達境首

境首猶言界首也騎

奇寄

觀機招納若彼迎候宜賜繒帛車馬禮餞而返

繒慈

陵如不容受聽還闕庭其行裝資遣付尚書量給

量音良

辛酉魏以京兆王繼為司徒魏遣使者劉善明來

聘始復通好

自齊明帝建元二年盧昶北歸之後魏不復遣使南聘至是復通復扶又翻

二年春正月辛巳上祀南郊置孤獨園於建康以收

養窮民

古者鰥寡孤獨廢疾者有養帝非能法古也祖釋氏須達多長者之為耳

戊子大

赦魏南秦州氐反魏發近郡兵萬五千人

近郡近輔諸郡

也使懷朔鎮將楊鈞將之

將息亮翻下同

送柔然可汗阿那瓌

返國尚書左丞張普惠上疏以為蠕蠕久為邊患今茲

天降喪亂

喪息浪翻

荼毒其心蓋欲使之知有道之可樂革

面稽首以奉大魏也

樂音洛稽音格

陛下宜安民恭己以悅服

其心阿那瓌束身歸命撫之可也乃更先自勞擾興師

郊甸之內投諸荒裔之外救累世之勅敵資天亡之醜

虜臣愚未見其可也

勅渠京翻

此乃邊將貪竊一時之功不

思兵為凶器王者不得已而用之

用老子語意

况今旱暵方

甚聖慈降膳

曠呼
早翻

乃以萬五千人使楊鈞為將欲定蠕

蠕于時而動其可濟乎竊有顛覆之變楊鈞之肉其足

食乎

用左傳楚孫叔
敖斥伍參語意

宰輔專好小名

好呼
到翻

不圖安危大

計此微臣所以寒心者也且阿那瓌之不還負何信義

臣賤不及議

漢自議郎以上皆得預朝廷大議尚書二
丞於當時位不為卑而以為賤不及議蓋

自曹魏以後朝廷大
議止及八坐以上

文書所過

文書皆過尚
書二丞之手

不敢不陳

阿那瓌辭於西堂詔賜以軍器衣被雜采糧畜事事優

厚

宋與餘同
富許救翻

命侍中崔光等勞遣於外郭

勞力
到翻

阿那瓌

之南奔也其從父兄婆羅門帥衆數萬入討示發破之

從才用翻
帥讀曰率

示發奔地豆干

魏書曰地豆干國
在室韋西千餘里

地豆干殺

之國人推婆羅門為彌偶可杜句可汗

魏收曰魏
言安靜也

楊鈞

表稱柔然已立君長

長知
兩翻

恐未肯以殺兄之人郊迎其

弟輕往虛返徒損國威自非廣加兵衆無以送其入北

二月魏人使舊嘗奉使柔然者牒云具仁

牒云姓具仁
名魏書官氏

志內入諸姓有牒
云氏奉使疏吏翻

往諭婆羅門使迎阿那瓌

辛丑上

祀明堂

庚戌魏使假撫軍將軍郗蚪討南秦叛氏

諸姓

酈卽
丙姓

魏元義劉騰之幽胡太后也右衛將軍奚康生

預其謀義以康生為撫軍大將軍河南尹仍使之領左

右

領仗身
左右

康生于難當娶侍中左衛將軍侯剛女剛子

義之妹夫也義以康生通姻深相委託三人率多俱宿

禁中時或迭出以難當為千牛備身

御左右有千牛刀
謂之防身刀千牛

刀者利刀也取庖丁解數千牛而芒刃不頓
為義千牛備身執千牛刀以待左右者也

康生性麤

武言氣高下義稍憚之見于顏色

見賢
遍翻

康生亦微懼不

安甲午魏主朝太后于西林園文武侍坐酒酣迭舞

朝
直

遙翻坐
但卧翻

康生乃為力士儻

蓋為勇士進退坐作之
氣勢而舞也儻與舞同

及折

旋之際每顧視太后舉手蹈足瞋目領首為執殺之勢

折之舌翻
顯七人翻

太后解其意而不敢言

解戶
買翻

日暮太后欲攜

帝宿宣光殿侯剛曰至尊已朝訖嬪御在南

宣光殿在
洛陽北宮

元乂等幽胡太后於此魏主與嬪
御居南宮故侯剛云然嬪既賓翻

何必留宿康生曰至

尊陛下之兒隨陛下將東西更復訪誰

復扶
又翻

羣臣莫敢

應太后自起援帝臂

提于元
翻引也

下堂而去康生大呼唱萬

歲

呼火
故翻

帝前入閣左右競相排閣不得閉康生奪難當

千牛刀斫直後元思輔

直後官名直閣之屬也

乃得定帝既升宣

光殿左右侍臣俱立西階下康生乘酒勢將出處分

處昌

呂翻分扶問翻

為義所執鎖於門下

以此知一夫之勇終受制於人也

光祿勳

賈縈給太后曰侍官懷恐不安

言其心懷恐懼也始徒亥翻

陛下宜

親安慰太后信之適下殿縈即扶帝出東序前御顯陽

殿閉太后於宣光殿至晚義不出令侍中黃門僕射尚

書等十餘人就康生所訊其事處康生斬刑難當絞刑

處昌呂翻

義與剛並在內矯詔決之康生如奏難當恕死從

流難當哭辭父康生慷慨不悲曰我不反死汝何哭也

時已昏闇有司驅康生赴市斬之尚食典御奚混與康

生同執刀入內亦坐絞

尚食典御唐為尚食奉御進御必辨時禁先嘗之

難當

以侯剛壻得留百餘日竟流安州

魏顯祖皇興二年置安州治方城領密雲

廣陽安樂郡

久之义使行臺盧同就殺之

魏太祖既得中山將北還慮中原有

變乃於郭中山置行臺後因之

以劉騰為司空八坐九卿常旦造騰宅

坐徂卧翻造七到翻

參其顏色然後赴省府亦有終日不得見者

得武作能非也

公私屬請

屬之欲翻

唯視貨多少舟車之利山澤之

饒所在椎固刻剥六鎮交通互市歲入利息以巨萬萬

計巨萬萬萬也巨萬萬計者萬萬萬也少詩沿翻椎古岳翻

逼奪鄰舍以廣其居遠

近苦之京兆王繼自以父子權位太盛固請以司徒讓

車騎大將軍儀同三司崔光

騎奇寄翻

夏四月庚子以繼為

太保侍中如故繼固辭不許壬寅以崔光為司徒侍中

祭酒著作如故魏牒云具仁至柔然婆羅門殊驕慢

無遜避心責具仁禮敬具仁不屈婆羅門乃遣大臣立

升頭等將兵二千隨具仁迎阿那瓌五月具仁還鎮

懷遠

朔鎮也將息浪翻下同

具道其狀阿那瓌懼不敢進上表請還洛

陽辛巳魏南荊州刺史桓叔興據所部來降

魏置南荊州見

一百四十七卷天監十一年降戶江翻下同

考異曰

梁帝紀七月叔興帥衆降蓋記奏到之日今從魏帝紀

六月丁卯義州刺史文僧明

此義州當置於齊安郡木蘭縣界蕭子顯齊志木蘭

縣屬寧蠻左郡唐省木蘭縣入黃岡縣以下文表

邊城

太守田守德

沈約志宋文帝元嘉十五年以豫邵蠻民立邊城左郡鄴道元曰安豐縣故城今邊

城郡治也此時梁境未得至安豐五代志黃岡縣界舊有邊城郡此正田守德所居之地

擁所部降

魏皆蠻酋也

商慈

魏以僧明為西豫州刺史守德為義

州刺史 癸卯琬琰殿火延燒後宮三千間 秋七月

丁酉以大匠卿裴邃為信武將軍假節督衆軍討義州

破魏義州刺史封壽於檀公峴

水經注決水出廬江雩婁縣大別山註云俗謂

之檀公峴蓋大別之異名也又北過安豐縣東安豐故城今邊城郡治也此魏邊城郡峴戶典翻

遂圍

其城壽請降復取義州

復扶又翻下聞復同

魏以尚書左丞張普

惠為行臺將兵救之不及

考異曰普惠傳云棄城走今從裴邃傳

以裴邃

為豫州刺史鎮合肥邃欲襲壽陽陰結壽陽民李瓜花等為內應邃已勒兵為期日恐魏覺之先移揚州云魏

始於馬頭置戍如聞復欲修白捺故城

馬頭置戍蓋即沈約志所謂馬

頭太守治所而置之白捺當作馬頭東北或東南捺奴葛翻

若爾便相侵逼此亦須

營歐陽設交境之備今板卒已集

板幹所以募城卒士卒也

唯聽信

還楊州刺史長孫稚謀於僚佐皆曰此無修白捺之意

宜以實報之錄事叅軍楊侃曰白捺小城本非形勝遠

好狡數

好呼到翻

今集兵遣移恐有他意稚大寤曰錄事可

亟作移報之侃報移曰彼之纂兵

纂集也

想別有意何為

妄構白捺佗人有心予忖度之

詩巧言之辭度徒洛翻

勿謂秦無

人也

左傳秦大夫
統朝之言

遽得移以為魏人已覺即散其兵瓜

花等以失期遂相告發伏誅者十餘家稚觀之子

長孫
觀道

生之孫見一百三十三
卷宋爵林王元徽元年

侃播之子

楊播見一百四十卷
齊明帝建武二年

初高車王彌俄突死

事見上卷天
監十五年

其衆悉歸噉噉後

數年噉噉遣彌俄突弟伊訥帥餘衆還國伊訥擊柔然

可汗婆羅門大破之婆羅門帥十部落詣涼州請降於

魏柔然餘衆數萬相帥迎阿那瓌阿那瓌表稱本國大

亂姓姓別居迭相抄掠當今北人鵠望待拯

言鵠立而
望魏拯救

也噉益涉翻噉當割翻又宅軌翻
帥讀曰率降戶江翻抄楚交翻

乞依前恩給臣精兵

一萬送臣殲北撫定荒民

殲七通翻

詔付中書門下博議涼

州刺史袁翻以為自國家都洛以來蠕蠕高車迭相吞

噬始則蠕蠕授首

謂佗汗也事見一百四十七卷天監七年

既而高車被擒

謂獮狁也

今高車自奮於衰微之中克雪讎恥誠由種類

繁多

種章勇翻

終不能相滅自二虜交鬪邊境無塵數十年

矣此中國之利也今蠕蠕兩主相繼歸誠

兩主謂阿那瓌婆羅門

雖狼子野心終無純固之節然存亡繼絕帝王本務若

棄而不受則虧我大德若納而撫養則損我資儲或全

徙內地則非直其情不願亦恐終為後患劉石是也

漢謂

徙胡羯於內地至於
晉世卒陷劉石之亂

且蠕蠕尚存則高車猶有內顧之

憂未暇窺窬上國若其全滅則高車跋扈之勢豈易可

知

易以
政翻

今蠕蠕雖亂而部落猶衆處處綦布以望舊主

高車雖彊未能盡服也愚謂蠕蠕二主並宜存之居阿

那瓌於東處婆羅門於西分其降民各有攸屬阿那瓌

所居非所經見不敢臆度婆羅門請修西海故城以處

之處處昌呂翻度徒洛翻西海在酒泉之北去高車所居金山千餘

里此西海非王莽所置西海郡之西海但言在酒泉之北則別有西海故城也按北史蠕蠕傳西海郡即漢

晉舊鄭表翻又曰直張掖西北千二百里又按晉志漢獻帝興平二年武威太守張稚請置西海郡於居延蓋

此即漢晉舊鄭也金山形如兜鍪實北蕃往來之衝要其後突厥居金山之陽即此山

土地沃衍大宜耕稼宜遣一良將配以兵仗監護婆羅

門將即亮翻監工衙翻因令屯田以省轉輸之勞其北則臨大磧

野獸所聚磧七翻使蠕蠕射獵彼此相資足以自固外以

輔蠕蠕之微弱內亦防高車之畔援韓詩云畔援武強也鄭玄云跋扈也

此安邊保塞之長計也若婆羅門能收離聚散復興其

國者

復扶又翻

漸令北轉徙度流沙則是我之外藩高車勅

敵

勅渠京翻

西北之虞可以無慮如其姦回反覆不過為通

逃之寇於我何損哉朝議是之

朝直遠翻

九月柔然可汗俟

匿伐詣懷朔鎮請兵且迎阿那瓌俟匿伐阿那瓌之兄

也冬十月錄尚書事高陽王雍等奏懷朔鎮北吐若

奚泉原野平沃請置阿那瓌於吐若奚泉

吐若奚泉在懷朔鎮北無

結山下

婆羅門於故西海郡令各帥部落收集離散阿那

瓌所居既在境外宜少優遣

少詩
沼翻

婆羅門不得比之其

婆羅門未降以前蠕蠕歸化者悉令州鎮部送懷朔鎮

以付阿那瓌詔從之

為阿那瓌婆羅
門皆叛去張本

十一月癸丑魏

侍中車騎大將軍侯剛加儀同三司

騎奇
寄翻

魏以東益

南秦氏皆反庚辰以秦州刺史河間王琛為行臺以討

之琛恃劉騰之勢

琛求為劉騰養子見上卷
天監十七年琛立林翻

貪暴無所

畏忌大為氏所敗

敗補
邁翻

中尉彈奏

彈徒
丹翻

會赦除名尋復

王爵魏以安西將軍元洪超兼尚書行臺詣敦煌安

賈柔然婆羅門

乾徒門翻

三年春正月庚子以尚書令袁昂為中書監吳郡太守

王暕為尚書左僕射

暕古限翻

辛亥魏主耕籍田

魏宋

雲與惠生自洛陽西行四千里至赤嶺乃出魏境

赤嶺在唐

鄆州鄆城縣西二百餘里

又西行再碁至乾羅國而還二月達洛陽

得佛經一百七十部

魏遣宋雲求佛經事始見上卷天監十七年

高車王

伊訶遣使入貢于魏

訶蒲北翻使疏史翻

夏四月庚辰魏以伊訶

為鎮西將軍西海郡公高車王久之伊訶與柔然戰敗

其弟越居殺伊副自立 五月壬辰朔日有食之既

癸巳大赦 冬十一月甲午領軍將軍始興忠武王憺

卒

憺徒敢翻
又徒監翻

乙巳魏主祀園丘 初魏世祖以玄始

歷浸疎

宋文帝元嘉二十九年魏行玄始歷

命更造新歷

更工術翻

至是著作

郎崔光表取盪寇將軍張龍祥等九家所上歷候驗得

失合為一歷以壬子為元應魏之水德

壬癸水也水旺於子故以壬子

為元上時掌翻

命曰正光歷丙午初行正光歷大赦

後魏律歷

志云歷成會孝明帝加元服改元正光因命曰正光歷按帝紀正光元年七月辛卯加元服三年十一月丙午

行正光歷
今從之

十二月乙酉魏以車騎大將軍尚書右僕

射元欽為儀同三司

騎寄翻

太保京兆王繼為太傅司徒

崔光為太保 初太子統之未生也上養臨川王宏之

子正德為子正德少羸險

少詩治翻

上即位正德意望東宮

及太子統生正德還本賜爵西豐侯

沈約宋志臨川郡有西豐縣

正

德怏怏不滿意常蓄異謀

快於兩翻

是歲正德自黃門侍郎

為輕車將軍頃之亡奔魏自稱廢太子避禍而來魏尚

書左僕射蕭寶寅上表曰豈有伯為天子父作揚州

元年

臨川王宏為
揚州刺史

棄彼密親遠投他國不如殺之由是魏人

待之甚薄正德乃殺一小兒稱為己子遠營葬地魏人

不疑明年復自魏逃歸

復扶又翻
傳晉通六年為輕車將軍頃之

考異曰梁書正德

奔魏七年自魏逃歸魏書蕭衍傳正光二年弟子正德
來奔南史正德傳普通三年為輕車將軍頃之奔魏又
自魏逃歸六年隨豫章王北侵輒棄軍走北史蕭寶寅
傳正光四年表論考課後乃云表論正德後乃云莫折
大提反按大提反在正光五年唯
南北史年月前後相近今從之

上泣而誨之復其封

爵為復正德納
侯景張本

柔然阿那瓌求粟為種

種章
勇翻

魏與之

萬石婆羅門帥部落叛魏亡歸噉達魏以平西府長史

代人費穆兼尚書右丞西北道行臺將兵討之

魏北官氏志西

方費連氏後改為費氏

柔然遁去穆謂諸將曰戎狄之性見敵即

走不虛復出若不使之破膽終恐疲于奔命

左傳臣遣于重子

反言曰吾必使汝疲於奔命以死奔命者赴急之兵也復扶又翻

乃簡練精騎伏于山

谷以步兵之羸者為外營

騎奇寄翻羸倫為翻

柔然果至奮擊大

破之婆羅門為涼州軍所擒送洛陽

四年春正月辛卯上祀南郊大赦丙午祀明堂二月乙

亥耕籍田

柔然大飢阿那瓌帥其眾入魏境表求賑

給

師讀曰率
脈之忍翻

己亥魏以尚書左丞元字為行臺尚書持

節撫諭柔然字譚之孫也

魏孝昌元年元譚為幽州都督後此三年按魏書譚太武

之子蓋魏宗室
多有同名者

將行表陳便宜以為蠕蠕久來彊大昔

在代京常為重備今天祚大魏使彼自亂亡稽首請服

蠕人宛翻
稽音啓

朝廷鳩其散亡禮送令返宜因此時善思遠

策昔漢宣之世呼韓款塞漢遣董忠韓昌領邊郡士馬

送出朔方因留衛助

事見二十七卷漢
宣帝甘露三年

又光武時亦使

中郎將段彬置安集掾史隨單于所在參察動靜

事見
四十

四卷漢光武建武二十六年掾俞絹絹單音婢

今宜略依舊事借其閒地聽其

田牧粗置官屬示相慰撫

粗生五翻

嚴戒邊兵因令防察使

親不至矯詐疎不容反叛最策之得者也魏人不從

柔然俟匱伐入朝于魏

朝直連翻

三月魏司空劉騰卒宦

官為騰義息重服者四十餘人袁經送葬者以百數朝

貴送葬者塞路滿野

袁倉回翻塞志則翻

夏四月魏元孚持白

虎幡勞阿那瓌于柔玄懷荒二鎮之間

懷荒鎮在柔玄鎮之東傑夷鎮

之西勞力到翻

阿那瓌衆號三十萬陰有異志遂拘留孚載以

輜車

應邵注漢書曰輜車古曰輜於云翻

每集其衆坐乎東廂稱為

行臺甚加禮敬引兵而南所過剽掠

劉匹妙翻

至平城乃聽

孚還有司奏孚辱命抵罪甲申魏遣尚書令李崇左僕

射元纂帥騎十萬擊柔然

帥讀曰率騎奇奇翻

阿那瓌聞之驅良

民二千公私牛馬羊數十萬北遁崇追之三千餘里不

及而還

還從宜翻又如字

纂使鎧曹參軍于謹帥騎二千追柔

然至郁對原前後十七戰屢破之

鎧可翻

謹忠之從曾孫

也于忠以保衛胡太后恃功專恣從才用翻

性深沈有識量涉獵經史少時

屏居田里不求仕進

沈持林翻少詩
照翻屏必郭翻

或勸之仕謹曰州

郡之職昔人所鄙

後漢梁竦曰州郡
之職徒勞人耳

台鼎之位須待時

來纂聞其名而辟之後帥輕騎出塞覘候屬鐵勒數千

騎奄至

覘丑廉翻又丑黠翻屬之役翻
高車部或曰敕勒訛為鐵勒

謹以衆寡不敵

退必不免乃散其衆騎使匿叢薄之間又遣人升山指

麾若部分軍衆者

分扶
問翻

鐵勒望見雖疑有伏兵自恃其

衆進軍逼謹謹以常乘駿馬一紫一騮

騮古
花翻

鐵勒所識

乃使二人各乘一馬突陣而出鐵勒以為謹也爭逐之

謹帥餘軍擊其追騎鐵勒遂走謹因得入塞李崇長史

鉅鹿魏蘭根說崇曰昔緣邊初置諸鎮地廣人稀或徵

發中原彊宗子弟或國之肺腑寄以爪牙中年以來有

司號為府戶役同廝養

說式芮翻廝音
斯養余亮翻

官婚班齒致失

清流而本來族類各居榮顯顧瞻彼此理當憤怨宜改

鎮立州分置郡縣凡是府戶悉免為民入仕次叙一準

其舊文武兼用威恩並施此計若行國家庶無北顧之

慮矣崇為之奏聞事寢不報

為後改鎮為州無及
於事張本為子偽翻

初

元義既幽胡太后常入直於魏主所居殿側曲盡佞媚

帝由是寵信之義出入禁中恒令勇士持兵以自先後

恒戶登翻先忠時出休於千秋門外施木欄楯欄檻也

萬翻後胡茂翻

楯食尹

翻使腹心防守以備竊發士民求見者遙對之而已其

始執政之時矯情自飾以謙勤接物時事得失頗以關

懷既得志遂自驕慢嗜酒好色貪吝寶賄與奪任情紀

綱壞亂父京兆王繼尤貪縱與其妻子各受賂遺請屬

有司

好呼到翻遺于季翻屬之欲翻

莫敢違者乃至郡縣小吏亦不得

公選牧守令長率皆貪污之人

守式又翻令郎定翻長知兩翻

由是百

姓困窮人人思亂武衛將軍于景忠之弟也謀廢又义

熙為懷荒鎮將

將即亮翻宋白曰後魏懷荒禦夷二鎮皆在蔚州界

及柔然入寇

鎮民請糧景不肯給鎮民不勝忿遂反執景殺之未幾

沃野鎮民破六韓拔陵聚眾反殺鎮將改元真王

勝音升幾

居豈翻魏收曰破六韓單于之苗裔也初呼厨泉入朝于漢為魏武所留遣其叔父右賢王去卑監本國戶魏氏方興率部南轉去卑遣弟右谷蠡王潘六奚帥軍北禦軍敗奚及五子俱沒于魏其子孫遂以潘六奚為氏後人遂誤以為破六韓又曰破洛汗考異曰魏帝紀正光五年破洛汗拔陵反詔臨淮王彧討之五月彧敗

制官檢令孤德榮周書賀拔勝傳衛可孤圍懷朔經年
勝乃告急於或然則拔陵反當在四年蓋帝紀因詔或
討拔陵而言之非拔陵於時始
反也周書作破六韓令從之
諸鎮華夷之民往往響

應拔陵引兵南侵遣別帥衛可孤圍武川鎮

考異曰北史孤作

璩今從周書

又攻懷朔鎮尖山賀拔度拔及其三子允勝岳

皆有材勇

魏志尖山縣屬神武郡薛居正五代史周書傳神武川屬應州令孤德榮曰賀拔之先

與魏氏同出陰山魏書官氏志內入諸姓有賀拔氏

懷朔鎮將楊鈞擢度拔為統

軍三子為軍主以拒之

魏景明之初世宗命宦者白

整為高祖及文昭高后鑿二佛龕於龍門山

龕口舍翻北龍門山

即伊闕山也為子
偽翻下復為同

皆高百尺

高居
報翻

永平中劉騰復為世

宗鑿一龕

復扶
又翻

至是二十四年凡用十八萬二千餘工

而未成秋七月辛亥魏詔見在朝官依令七十合解

者

見賢通翻七十而
致事合解所任

可給本官半祿以終其身九月

魏詔侍中太尉汝南王悅入居門下與丞相高陽王雍

參決尚書奏事冬十月庚午以中書監中衛將軍袁

昂為尚書令即本號開府儀同三司

本號中衛
將軍號

魏平

恩文宣公崔光疾篤魏主親撫視之拜其子勵為齊州

刺史為之撤樂罷遊眺丁酉光卒帝臨哭之慟為減常

膳

以先推立之功
也為于偽翻

光寬和樂善

樂音洛

終日怡怡未嘗忿

恚

恚於
避翻

于忠元义用事以光舊德皆尊敬之事多咨決

而不能救裴郭清河之死

裴郭死見上卷天監十四年
清河王悛死見上元年

時

人比之張禹胡廣光且死薦都官尚書賈思伯為侍講

帝從思伯受春秋思伯雖貴傾身下士

下
嫁翻

或問思伯

曰公何以能不驕思伯曰衰至便驕何常之有當時以

為雅談十一月癸未朔日有食之甲辰尚書左僕射

王暕卒

暕古限翻

梁初唯揚荊郢江湘梁益七州用錢交

廣用金銀餘州雜以穀帛交易上乃鑄五銖錢肉好周

郭皆備

韋昭曰肉錢形也好孔也杜佑曰內郭為肉外郭為好孟康曰周郭周市為郭也肉疾儼翻好

呼到翻別鑄無肉郭者謂之女錢民間私用女錢交易禁

之不能止乃議盡罷銅錢十二月戊午始鑄鐵錢魏

以汝南王悅為太保



資治通鑑卷一百四十九



總校官庶吉士臣侍朝

校對官檢討臣王坦修

謄錄監生臣秦長馨

欽定四庫全書薈要

史部

資治通鑑卷二百

五十一

詳校官編修臣汪鏞



資治通鑑卷一百五十

宋 司馬光 撰

胡三省 音註

梁紀六

起閏逢執徐盡梅
蒙大荒落凡二年

高祖武皇帝六

普通五年春正月辛丑魏主祀南郊 三月魏以臨淮

王彧都督北討諸軍事討破六韓拔陵

拔陵反見
上卷上年

夏四

月高平鎮民赫連恩等反推敕勒酋長胡琛為高平王

首慈秋翻
長知兩翻

攻高平鎮以應拔陵魏將盧祖遷擊破之琛

北走

將即
亮翻

衛可孤攻懷朔鎮經年外援不至楊鈞使賀

拔勝詣臨淮王或告急勝募敢死少年十餘騎夜伺隙

潰圍出賊騎追及之勝曰我賀拔破胡也

少詩照翻騎
奇寄翻伺相

更翻賀拔賊不敢逼勝見或於雲中

考異曰勝傳云
至朔州見或按後

魏地里志雲中舊名朔州及改懷朔鎮為朔州不容更
以雲中為朔州今但云雲中按魏氏初都平城北邊

列置諸鎮孝昌以後改鎮為州尋即荒廢其地漫不可
考杜佑以為魏都平城於郡北三百餘里置懷朔鎮又

云遷洛之後於郡北三百餘里置朔州又云後魏初雲
中在郡北三百餘里定襄故城北夫其曰皆在郡北三

百餘里將是一處邪將是三處邪宋白曰朔州馬邑郡東北至故雲中二百六十里後魏為畿內之地亦嘗為懷朔鎮孝文遷洛之後於州北三百八十里定襄故城置朔州又曰後魏初雲中定襄故城是則是朔州與後魏初雲中共一處通鑑此後書改懷朔鎮為朔州史命朔州為雲州此即魏志所謂雲中舊名朔州之證也是則懷朔鎮與雲中見兩處矣是後李崇自崔暹白道之耿引還雲中後又自雲中引還平城其退師道里先後可見而唐之雲中郡乃魏之平城詳而考之說之曰懷歷代建置州郡其名稍難辨一處為定也

朔被圍旦夕淪陷大王令頓兵不進懷朔若陷則武川亦危賊之銳氣百倍雖有良平不能為大王計矣或許為出師勝還復突圍而入鈞復遣勝出覘武川

說武川
翻許為

于偽翻復扶又訓下聊復
同現丑康翻又丑艷翻

武川已陷勝馳還懷朔亦潰

勝父子俱為可弼所虜五月臨淮王彧與破六韓拔陵

戰於五原

五原即漢五原郡地魏收志朔州治五原杜佑曰魏置朔州於懷朔鎮在唐朔州馬邑郡

北三百餘里今榆林九原即漢之五原郡地蓋漢之五原壤地甚廣唐之豐勝朔三州皆漢之五原郡地魏收志朔州附化郡有五原縣或與拔陵當戰於此兵敗彧坐削除官爵安北將軍

隴西李叔仁又敗於白道

武川鎮北有白道谷谷口有白道城自城北出有高原謂

之白道賊勢日盛魏主引丞相令僕尚書侍中黃門於顯

陽殿問之曰今寇連恒朔逼近金陵

魏末邊洛以前諸帝皆葬雲中之金

陵恒戶登翻
近其新翻

計將安出吏部尚書元修義請遣重臣督

軍鎮恒朔以捍寇帝曰去歲阿那瓌叛亂遣李崇北征

崇上表求改鎮為州朕以舊章難革不從其請尋崇此

表開鎮戶非冀之心致有今日之患但既往難追聊復

略論耳然崇貴戚重望

李崇文成皇后兄誕之子歷方面有時望

器識英敏

意欲遣崇行何如僕射蕭寶璠等皆曰如此實合羣望

崇曰臣以六鎮遐僻密邇寇戎

杜佑曰六鎮並在今馬邑雲中單于界

欲

以慰悅彼心豈敢導之為亂臣罪當就死陛下赦之今

更遣臣北行正是報恩改過之秋但臣年七十加之疲病不堪軍旅願更擇賢材帝不許修義天賜之子也

賜天

見一百三十三卷
宋明帝泰始七年

臣光曰李崇之表乃所以銷禍於未萌制勝於無形魏肅宗既不能用及亂生之後曾無愧謝之言乃更以爲崇罪不明之君烏可與謀哉詩云聽言則對誦言

如醉匪用其良覆俾戎悖

詩桑柔之辭也注云見道聽之言則應答之見誦詩

書之言則冥卧如醉不能
用善反使我爲悖逆之行

其是之謂矣

壬申加崇使持節開府儀同三司北討大都督

使疏史翻

命

撫軍將軍崔暹鎮軍廣陽王深皆受崇節度深嘉

之子也

按魏收魏書作廣陽王淵李延壽北史作廣陽王深蓋避唐諱通鑑承用之廣陽王嘉見一百

四十三卷齊東昏侯永元元年考異曰魏帝紀深作淵今從列傳及北史

六月以豫州

刺史裴邃督征討將軍事以伐魏魏自破六韓拔陵

之反二夏幽涼寇盜蜂起

二夏夏州及東夏州也魏收地理志夏州治統萬領化政

開熙金明代名郡東夏州領偏城朔方定陽上郡宋白曰魏改統萬鎮為東夏州後改延州按魏克統萬以為鎮太和十一年改夏州延昌二年置東夏州治廣武唐始改為延州治府施俊魏太和元年置廣武縣後周改

豐林縣隋分豐林金明置有施縣唐延州治焉則魏東
夏州治廣武非統萬也然魏收地形志以廣武為太原
鴈門之廣武亦誤皇興二年置華州於北地太和十一
年改為班州十四年為幽州領北地趙興襄樂郡涼州
領武安臨松建昌番和泉城武興
武威昌松東徑涼州郡夏戶雅翻秦州刺史李彥政刑

殘虐在下皆怨是月城內薛珍等聚黨突入州門擒彥

殺之推其黨莫折大提為帥

莫折虜複姓帥所領翻

大提自稱秦

王魏遣雍州刺史元志討之

雍於用翻

初南秦州豪右楊松

栢兄弟數為寇盜

數所角翻

刺史博陵崔遊誘之使降引為

主簿接以辭色使說下羣氏

誘音酉說式芮翻

既而因宴會盡

收斬之由是所部莫不猜懼遊聞李彥死自知不安欲
逃去未果城民張長命韓祖香孫掩等攻遊殺之以城
應大提大提遣其黨卜胡襲高平克之殺鎮將赫連略
行臺高元榮大提尋卒

年子
恤翻

子念生自稱天子置百官

改元天建 丁酉魏大赦 秋七月甲寅魏遣吏部尚

書元修義兼尚書僕射為西道行臺帥諸將討莫折念

生

帥讀
曰率

崔暹違李崇節度與破六韓拔陵戰于白道

大敗單騎走還

騎奇
寄翻

拔陵并力攻崇崇力戰不能禦引

還雲中與之相持廣陽王溪上言先朝都平城

上時掌翻朝直

達翻以北邊為重盛簡親賢擁麾作鎮

謂鎮將也

配以高門子

弟以死防邊非唯不廢仕宦乃更獨得復除

高門子弟謂其先世

與魏同起于代北者所謂太姓九十九復方目翻

當時人物忻慕為之大和中

僕射李冲用事涼州土人悉免廝役

李實自敦煌入朝于魏至于冲親貴

厚其鄉人故涼土之人悉免廝役

帝鄉舊門仍防邊戍自非得罪當世

莫肯與之為伍本鎮驅使但為虞侯白直

杜佑曰白一直無月給一

生推遷不過軍主然其同族留京師者得上品通官在

鎮者即為清塗所隔或多逃逸乃峻邊兵之格鎮人不

聽浮遊在外於是少年不得從師長者不得遊宦

少詩照翻

長知兩翻

獨為匪人言之流涕自定鼎伊洛邊任益輕唯底

滯凡才乃出為鎮將轉相模習專事聚斂或諸方姦吏

犯罪配邊為之指蹤政以賄立邊人無不切齒及阿那

瓌背恩縱掠

斂力膳翻背蒲妹翻

發奔命追之十五萬衆度沙漠

不日而還

事見上表上年還從宣翻又如字

邊人見此援師遂自意輕

中國

師速而疾邊人見其不能盡敵而反意遂輕之

尚書令臣崇求改鎮為州

抑亦先覺朝廷未許而高闕戍主御下失和

酈道元曰趙武靈王

既襲胡服自代並陰山下至高闕為塞山下有長城長城之際連山刺天其山中斷兩岸雙闕雲舉望若闕焉故有高闕之名自闕北出荒中闕口有城跨山結局謂之高闕戍拔陵殺之遂相帥為

亂

帥讀曰率

攻城掠地所過夷滅王師屢北賊黨日盛此段

之舉指望銷平而崔暹隻輪不返臣崇與臣逡巡復路

復路者還即舊路也

相與還次雲中將士之情莫不解體今日所

慮非止西北將恐諸鎮尋亦如此天下之事何易可量

書奏不省

為魏主思崇深之言張本易以政翻量音良省悉景翻

詔徵崔暹繫廷

尉遲以女妓田園賂元义卒得不坐

妓渠綺翻卒子
恤翻下卒無同

丁丑莫折念生遣其都督楊伯年攻仇鳩河池二戍

河池

即今鳳州河池縣有河池
水仇鳩亦當與河池相近

東益州刺史魏子建遣將軍

伊祥等擊破之斬首千餘級東益州本氏王楊紹先之

國

天監五年魏克武興滅
楊紹先之國置東益州

將佐皆以城民勁勇二秦反

者皆其族類請先收其器械子建曰城民數經行陣

數所

角翻行
戶剛翻

撫之足以為用急之則腹背為患乃悉召城民

慰諭之既而漸分其父兄子弟外戍諸郡内外相顧卒

無叛者

辛子恤翻

子建蘭根之族兄也

魏涼州幢帥於菩

提等執刺史宋頴據州反

幢傳江翻帥所類翻菩薄乎翻

八月庚寅

徐州刺史成景雋拔魏童城

童城即下邳僮縣城也

魏員外散

騎侍郎李苗上書曰凡食少兵精利於速戰

散悉曹翻騎奇寄翻

上時掌翻少詩治翻

糧多卒衆事宜持久今隴賊猖狂非有素蓄

雖據兩城

兩城謂天水及高平

本無德義其勢在於疾攻日有降

納

江降戶翻

遲則人情離沮坐待奔潰夫颯至風舉逆者求

萬一之功高壁深壘王師有全制之策但天下久泰人

不曉兵奔利不相待逃難不相顧

難乃旦翻

將無濫令士非

教習不思長久之計各有輕敵之心如今隴東不守汧

軍敗散

汧軍謂元志之軍也汧在隴阪之東將即亮翻汧口堅翻

則兩秦遂彊

兩秦謂莫

折念生及張長命等

三輔危弱國之右臂於斯廢矣宜勒大將堅

壁勿戰別命偏裨帥精兵數千出麥積崖以襲其後

積麥

崖在今秦州天水縣東百里狀如麥積故名裨宿彌翻帥讀曰率

則汧隴之下羣妖自

散

妖於驕翻

魏以苗為統軍與別將淳于誕俱出梁益未至

莫折念生遣其弟高陽王天生將兵下隴甲午都督元

志與戰於隴口

隴口隴抵之口也

志兵敗棄衆東保岐州

魏岐州治

飛城東西部敕勒皆叛魏附於破六韓拔陵魏主始思

李崇及廣陽王深之言丙申下詔諸州鎮軍貫

貫籍非也

有罪配隸者皆免為民改鎮為州以懷朔鎮為朔州更

命朔州曰雲州

魏先置朔州於雲中之盛樂以漢五原郡地為懷朔鎮今以懷朔為朔州改舊

朔州為雲州因雲中郡而得名也按後廣陽王深自五原拔軍向朔州則懷朔鎮雖置於漢五原郡地與五原

別為兩城宋白曰漢五原故城在唐勝州榆林縣界後魏孝文於唐朔州北三百八十里定襄故城置朔州更

工衛

遣兼黃門侍郎鄺道元為大使撫慰六鎮

使疏吏翻時

六鎮已盡叛道元不果行先是代人遷洛者多為選部

所抑不得仕進

先志薦翻
還須絹翻

及六鎮叛元義乃用代來人

為傳詔以慰悅之廷尉評代人山偉奏記稱義德美義

擢偉為尚書二千石郎

廷尉評即漢之廷尉平魏晉以來平考加言今大理評事即其

職也後漢尚書有二千石曹魏置二千石郎
魏收官氏志內入諸姓土難氏後改為山氏

秀容人

乞伏莫于聚眾攻郡殺太守

水經注魏立秀容鎮軍以
統胡人其治所去汾水六

十里地形志永興二
年置秀容郡屬肆州

丁酉南秀容牧子萬于乞真殺太

僕卿陸延秀容酋長爾朱榮討平之榮羽健之玄孫也

羽健見一百一十卷晉安帝隆安二年首慈秋翻長知兩翻

其祖代勤嘗出獵部民

射虎誤中其髀代勤拔箭不復推問

射而亦翻中竹仲翻復扶又翻

所

部莫不感悅官至肆州刺史賜爵梁郡公年九十餘而

卒

辛子恤翻

子新興立新興時畜牧尤蕃息

蕃扶元翻

牛羊駝馬

色別為羣彌漫川谷不可勝數

勝音升

魏每出師新興輒

獻馬及資糧以助軍高祖嘉之新興老請傳爵於子榮

魏朝許之

朝直遙翻

榮神機明決御衆嚴整時四方兵起榮

陰有大志敬其畜牧資財招合驍勇結納豪傑

爾朱榮事始此

於是侯景司馬子如賈顯度及五原段榮太安竇

恭

時魏于懷朔鎮置朔州并置太安郡

皆往依之顯度顯智之兄也

戊

成莫折念生遣都督竇雙攻魏盤頭郡

盤頭郡屬東益州五代志興州

長舉縣魏
置盤頭郡

東益州刺史魏子建遣將軍竇念祖擊破之

九月戊申成景雋拔魏雒陵戊午北兗州刺史趙景

悅園荆山

梁北兗州治淮陰水經注曰地里志平阿縣有當塗山淮出于荆山之左當塗之右魏收

志梁北徐州沛郡已吾縣有當塗山荆山今之懷遠軍
正據荆山以沈約志言之皆屬馬頭郡界五代志鍾離

郡塗山縣古當塗也後齊置荊山郡

裴邃帥騎三千襲壽陽

帥讀曰率
騎奇寄翻

壬

戌夜斬關而入克其外郭魏揚州刺史長孫稚禦之一

日九戰後軍蔡秀成失道不至遽引兵還別將擊魏淮

陽此梁所遣別將也非裴邃所部將即亮翻下同魏使行臺酈道元都督河間

王琛救壽陽琛丑林翻安樂王鑒救淮陽鑒詮之子也樂音洛詮

丑緣翻安樂王詮事見一百四十六卷天監五年魏西道行臺元修義得風

疾不能治軍治直之翻壬申魏以尚書左僕射齊王蕭寶寅

為西道行臺大都督帥諸將討莫折念生為蕭寶寅以關中叛魏張

本宋顗密求救於吐谷渾王伏連籌吐從職入聲谷音浴伏連籌

自將救涼州於菩提棄城走追斬之城民趙天安等復

推宋頴為刺史

復扶又翻

河間王琛軍至西硤石解渦陽

圍復荆山戍青冀二州刺史王神念與戰為琛所敗

敗補

通冬十月戊寅裴邃元樹攻魏建陵城克之辛巳拔曲

木曲木當作曲沭水經注沭水過建陵縣故城東又南逕陵山西魏立大堰遏水西流兩瀆之會置城防之

曰曲沭戌沭食幸翻掃虜將軍彭寶孫拔琅邪魏營州城民劉

安定就德興

魏書官氏志苑賴氏改為就氏西方諸姓也

執刺史李仲遵據

城反城民王惡兒斬安定以降德興東走自稱燕王

降戶

江翻燕
周肩翻

胡琛遣其將宿勤明達寇幽夏北華三州

魏高

祖太和十五年置東秦州于杏城後改為北華州領魏中部數城凡三郡宿勤唐復姓夏戶雅翻華戶化翻

遣都督北海王顥帥諸將討之顥詳之子也

詳得罪見一百四十

五卷天監三年帥讀曰率

甲申彭寶孫拔亶丘辛卯裴邃拔狄城

水經注肥水自荻丘過漢九江成德縣故城西王莽更曰平阿又北入芍陂

丙申又拔覽城

進屯黎漿壬寅魏東海太守韋敬欣以司吾城降

漢東海郡

司吾縣之故城也

定遠將軍曹世宗拔曲陽甲辰又拔秦墟魏

守將多棄城走

水經注洛水逕漢淮南郡曲陽故城東應劭曰縣在淮曲之陽洛水又北歷秦

墟下注淮謂之洛口魏收志曲陽縣屬霍州北沛郡五代志曲陽縣後廢入鍾離定遠縣

魏使黃

門侍郎盧同持節詣營州慰勞就德興降而復反詔以

同為幽州刺史兼尚書行臺同屢為德興所敗而還

勞力

到翻復扶又翻敗補邁
翻還從宣翻又如字

魏朔方胡反圍夏州刺史源

子雍

夏戶雅翻夏州治統萬城

城中食盡煮馬皮而食之衆無貳心

子雍欲自出求糧留其子延伯守統萬將佐皆曰今四

方離叛糧盡援絕不若父子俱去子雍泣曰吾世荷國

恩當畢命此城但無食可守故欲往東州

荷下可翻東州謂東夏州

也為諸君營數月之食

為于偽翻

若幸而得之保全必矣乃

帥羸弱詣東夏州運糧

帥讀曰率
最倫為翻

延伯與將佐哭而送

之子雍行數日胡帥曹阿各拔邀擊擒之

帥所類翻

子雍潛

遣人齎書敕城中弩力固守闔城憂懼延伯諭之曰吾

父吉凶未可知方寸焦爛但奉命守城所為者重

為于偽翻

下為陳同

不敢以私害公諸君幸得此心於是眾感其義莫

不奮勵子雍雖被擒胡人常以民禮事之子雍為陳禍

福勸阿各拔降會阿各拔卒其弟桑生竟帥其眾隨子

雍降

降戶江胡

子雍見行臺北海王顥具陳諸賊可滅之狀

顥給子雍兵令其先驅時東夏州闔境皆反所在屯結

子雍轉鬪而前九旬之中凡數十戰遂平東夏州徵稅

粟以饋統萬二夏由是獲全子雍懷之子也

史言源氏諸子皆有

才具而天降喪亂終無救魏氏之衰也

魏廣陽王深上言今六鎮盡叛

高車二部亦與之同

高車自阿伏至羅興窮奇分爲二部所謂東西部救勒也

以此

疲兵擊之必無勝理不若選練精兵守恒州諸要

諸要謂要

衝之地恒戶登翻

更爲後圖遂與李崇引兵還平城崇謂諸將

曰雲中者白道之衝

以此觀之則魏之雲中漢之威樂縣唐之振武軍節度使治所皆雲

山之賊之咽喉若此地不全則并肆危矣當留一人鎮

之誰可者衆舉曹穆崇乃請穆為朔州刺史

請奏詣也時雲中已

改為雲州朔當作雲

賀拔度拔父子及武川宇文肱糾合鄉里

豪傑共襲衛可孤殺之度拔尋與鐵勒戰死肱逸豆歸

之玄孫也

肱字文泰之父也逸豆歸晉康帝建元二年為慕容皝所滅

李崇引國子

博士祖瑩為長史廣陽王深奏瑩詐增首級盜沒軍資

瑩坐除名崇亦免官削爵徵還深專總軍政

為深內固於境外固

于賊
張本

莫折天生進攻魏岐州十一月戊申陷之執都

督元志及刺史裴芬之送莫折念生殺之念生又使卜

胡等寇涇州敗光祿大夫薛繼於平涼東

魏置平涼郡治鶉陰縣有

平梁城敗補遠嗣

繼安都之孫也

宋泰始初薛安都降魏

丙辰彭寶孫

拔魏東莞

莞音官

壬戌裴邃攻壽陽之安城

魏收志梁置新興郡治安

城縣丙寅馬頭安城皆降

高平人攻殺卜胡共迎胡琛

魏以黃門侍郎楊昱兼侍中持節監北海王顥軍以

救幽州幽州圍解

監工衙嗣

蜀賊張映龍姜神達攻雍州

蜀賊

者蜀人之徒關中者也乘輓亂起而為盜因謂之蜀
賊後爾朱天光西討蜀賊斷路皆其黨也雍於用翻

雍

州刺史元修義請援一日一夜書移九通都督李叔仁

遲疑不赴昱曰長安關中基本若長安不守大軍自然

瓦散留此何益遂與叔仁進擊之斬神達餘黨散走

十二月戊寅魏荆山降 壬辰魏以京兆王繼為太師

大將軍都督西道諸軍以討莫折念生 乙巳武勇將

軍李國興攻魏平靖關辛丑信威長史楊乾攻武陽關

壬寅攻峴關

九義陽之三關也峴戶典翻

皆克之國興進圍郢州魏

郢州刺史裴詢與蠻酋西郢州刺史田朴特相表裏以

拒之

魏郢州治義陽西郢州又當在義陽之西蠻中也首慈秋翻

圍城近百日

近其斬翻

魏援軍至國興引還詢駿之孫也

裴駿見一百二十四卷宋文帝元嘉二十

二年魏汾州諸胡反

魏孝文帝太和十二年置汾州治蒲子領西河吐京五城定陽凡四

郡以章武王融為大都督將兵討之

將即虎翻

魏魏子建

招諭南秦諸氏稍稍降附遂復六郡十二戍斬韓祖香

魏以子建兼尚書為行臺刺史如故

刺史謂子建本為東益州刺史

梁

已二益二秦諸州皆受節度

魏置梁州于南鄭置巴州於漢已西郡置益州於晉

高郡東益州於武興郡秦州於上邦南秦州於仇池

莫折念生遣兵攻涼州城

民趙天安復執刺史以應之

復扶又翻

是歲侍中太子詹

事周捨坐事免散騎常侍錢唐朱异代掌機密軍旅謀

議方鎮改易朝儀詔敕皆典之异好文義多藝能精力

敏瞻上以是任之

為朱异亂梁張本散悉宣翻騎奇寄翻异羊史翻好呼到翻朝直送翻

六年春正月丙午雍州刺史晉安王綱遣安北長史柳

渾破魏南鄉郡司馬董當門破魏晉城庚戌又破馬圈

鄧陽二城

雍於用翻周求送翻

辛亥上祀南郊大赦魏徐州

刺史元灋僧素附元義見義驕恣恐禍及己遂謀反魏

遣中書舍人張文伯至彭城灋僧謂曰吾欲與汝去危

就安能從我乎文伯曰我寧死見文陵松栢

文陵謂孝文帝陵

安能去忠義而從叛逆乎灋僧殺之庚申灋僧殺行臺

高諒稱帝

考異曰灋僧傳作高諒今從魏帝紀及魏紀云自稱宋王灋僧傳及北史皆云稱尊號

梁書法僧傳云稱帝按法僧立諸子為王必稱帝也今從梁書改元大啟立諸子為王

魏發兵擊之灋僧乃遣其子景仲來降

降戶江翻異曰法僧傳云

魏室大亂法僧據鎮欲匡復既而魏亂稍定將討法僧法僧懼歸款按時魏亂未定今從北史

安東

長史元顯和麗之子也

元麗見一百四十卷天監五年

舉兵與灋僧

戰灋僧擒之執其手命使共坐顯和不肯曰與翁皆出

皇家

元法僧陽平王熙之曾孫熙道武子也元麗小新成之孫小新成景穆之子顯和麗之子也以族屬

長幼之次乎法僧為翁

一朝以地外叛獨不畏良史乎灋僧猶欲

慰諭之顯和曰我寧死為忠鬼不能生為叛臣乃殺之

上使散騎常侍朱异使於灋僧以宣城太守元略為大

都督

元略來奔見上卷四年使疏吏翻

與將軍義興陳慶之胡龍牙成

景雋等將兵應接

將即亮翻

莫折天生軍於黑水

水經注就水出

南山就谷北流與黑水合黑水上合三泉於流水之右
三泉奇發言歸一潰北流會於就水就水又北流注于

渭

兵勢甚盛魏以岐州刺史崔延伯為征西將軍西道

都督帥衆五萬討之延伯與行臺蕭寶寅軍于馬嵬延

伯素驍勇寶寅趣之使戰

帥讀曰率嵬五回翻
曉堅亮翻趣讀曰促

延伯曰

明晨為公參賊勇怯乃選精兵數千西度黑水整陣向

天生營

為于偽翻
陳讀曰陣

寶寅軍於水東遙為繼援延伯直抵

天生營下揚威脅之徐引兵還天生見延伯衆少

少詩
治翻

爭開營逐之其衆多於延伯十倍蹙延伯於水次寶寅

望之失色延伯自為後殿

殿丁練翻

不與之戰使其衆先渡

部伍嚴整天生兵不敢擊須臾渡畢延伯徐渡天生之

衆亦引還寶寅喜曰崔君之勇闕張不如

闕張謂闕羽張飛也

延

伯曰此賊非老奴敵也明公但安坐觀老奴破之癸亥

延伯勒兵出寶寅舉軍繼其後天生悉衆逆戰延伯身

先士卒

先悉萬翻

陷其前鋒將士盡銳競進大破之俘斬十

餘萬追奔至小隴

隴山有大隴山小隴山大隴山在清水縣東北小隴山在岐州武都郡南

田縣西北五代志南田作南由南由唐隴州之吳山縣即其地

岐雍及隴東皆平將士

稽留採掠天生遂塞隴道

塞悉則翻

由是諸軍不能進寶寅

破宛川

五代志扶風郡陳倉縣後魏曰宛川

俘其民以為奴婢以美女十

人賞岐州刺史魏蘭根蘭根辭曰此縣介於彊寇不能

自立故附從以救死官軍之至宜矜而撫之奈何助賊

為虐翦以為賤役乎悉求其父兄而歸之 乙巳裴邃

拔魏新蔡郡

魏志新蔡郡治石母臺隋廢為縣唐以後屬蔡州

詔侍中領軍將

軍西昌侯淵藻將眾前驅南兖州刺史豫章王綜與諸

將繼進

將即虎翻

癸酉裴邃拔鄭城

水經注潁水過慎縣故城南而東南流逕蜩螬

郭東俗謂之鄭城又東南入淮

汝潁之間所在響應魏河間王琛等憚

遼威名軍於城父

城父縣漢屬沛郡魏晉以來屬譙郡宋併城父為浚儀縣屬陳留郡郡寄

治譙郡大垣縣界魏水志陳留郡浚儀縣注有城父城父音甫

累月不進魏朝遣廷尉

少卿崔孝芬持節齎齋庫刀以趣之

齋庫刀千牛刀也齋刀以趣其進言

若復遲留將斬之也朝直遣翻

孝芬挺之子也琛至壽陽欲出兵決戰

長孫稚以為久雨未可出琛不聽引兵五萬出城擊遼

遼為四甄以待之使直閣將軍李祖憐先挑戰而偽退

甄稽延翻

稚琛悉眾追之四甄競發魏師大敗斬首萬

餘級琛走入城稚勒兵而殿遂閉門自固不敢復出

丁殿

鍊翻復扶又翻

魏安樂王鑒將兵討元灋僧擊元略於彭城南

略大敗

樂奇洛申法僧叛下不應如此之速

考異曰魏帝紀叙元略等事便在庚申移之於月末

與數十騎走入城鑒不設備灋僧出擊大破之鑒單騎

奔歸

騎奇寄翻

將軍王希暉拔魏南陽平

宋僞置陽平郡於沛郡南界後入於

魏為南陽平郡以別相州之古陽平郡也後又徙郡寄治彭城

他甘翻執太守薛曇高曇

尚虎子之子也

薛虎子事魏孝文帝歷州鎮有聲績曇徒舍翻

甲戌以灋僧為

司空封始安郡公魏以安豐王延明為東道行臺臨淮

王或為都督以擊彭城 魏以京兆王繼為太尉 二

月乙未趙景悅拔魏龍亢

龍亢縣漢屬沛郡晉屬譙國魏太和十九年置下蔡郡龍

亢屬馬五代志潁州潁上縣舊置下蔡郡晉灼曰亢音剛

初魏劉騰既卒

騰卒見上卷四

年胡太后及魏主左右防衛微緩元義亦自寬時出遊

於外留連不返其所親諫義不納太后察知之去秋太

后對帝謂羣臣曰今隔絕我母子不聽往來復何用我

為

復扶又翻下無復同

我當出家修道於嵩山間居寺耳

魏作閑居寺見

一百四十七卷天監八年

因自欲下髮帝及羣臣叩頭泣涕殷勤苦

請太后聲色愈厲帝乃宿於嘉福殿積數日遂與太后
密謀黜义然帝深匿形迹太后有忿志欲得往來顯陽
之言皆以告义

魏主常居顯陽殿故太后欲往來志於避翻

又對义流涕叙

太后欲出家憂怖之心日有數四

怖普布翻

义殊未以為疑

乃勸帝從太后所欲於是太后數御顯陽殿二宮無復

禁礙义舉元灋僧為徐州灋僧反太后數以為言

數所角翻

义深愧悔丞相高陽王雍雖位居义上而深畏憚之會
太后與帝遊洛水雍邀二宮幸其第日晏帝與太后至

雍內室從官皆不得入

從才用翻

遂相與定圖又之計于是

太后謂又曰元郎若忠於朝廷無反心何故不去領軍

以餘官輔政

去羌呂翻

又甚懼免冠求解領軍乃以又為驃

騎大將軍開府儀同三司尚書令侍中領左右

驃匹妙翻駢奇

寄翻戊戌魏大赦壬辰莫折念生遣都督楊鮪等攻

仇池郡

以上戊戌下三月己酉推之壬辰當作壬寅魏志仇池郡屬東益州五代志漢陽郡上祿縣

魏置仇池郡

行臺魏子建擊破之三月己酉上幸白下城

履行六軍頓所

行下孟翻

乙丑命豫章王綜權頓彭城總督

衆軍并攝徐州府事己己以元濬僧之子景隆為衡州

刺史

吳孫亮太平二年分長沙西部都尉立衡陽郡梁置衡州按五代志梁置衡州於南海含涯縣

景

仲為廣州刺史上召濬僧及元略還建康濬僧驅彭城

吏民萬餘人南渡

考異曰南史云武官成彭城者三千餘人法僧皆印額為奴逼將南渡

魏書梁書皆無此事

濬僧至建康上寵待甚厚元略惡其為人

惡烏

路翻與之言未嘗笑

魏詔京兆王繼班師

去年魏使繼西討令將誅

其子又故詔使班師

北涼州刺史錫休儒等自魏興侵魏梁州

攻直城

梁置北涼州于魏興涼當作梁魏收志東梁州金城郡領直城縣五代志金州安康縣蕭公改

直州蓋因直城以名州魏以其地出金故
郡曰金城州曰金州錫姓也漢有錫光
魏梁州刺史

傳豎眼遣其子敬紹擊之

豎而庚翻

休儒等敗還

柔然王

阿那瓌為魏討破六韓拔陵魏遣牒云具仁齋雜物勞

賜之

為于偽翻勞力到翻下同

阿那瓌勒衆十萬自武川西向沃野

屢破拔陵兵

稽古錄是年書蠕蠕殺破六韓拔陵在誅元义之下

夏四月魏主復

遣中書舍人馮雋勞賜阿那瓌

復扶又翻

阿那瓌部落浸彊

自稱敕連頭兵豆伐可汗

魏水曰魏言德儼也

魏元义雖解兵

權猶總任内外殊不自意有廢黜之理胡太后意猶豫

未決侍中穆紹勸太后速去之紹亮之子也

穆氏從魏起於代北

崇壽亮妻世貴顯去羗呂翻

潘嬪有寵於魏主

嬪毘宿翻

宦官張景嵩說

之云

說式芮翻

又欲害嬪嬪泣訴於帝曰又非獨欲害妾將

不利於陛下帝信之因又出宿解又侍中明旦又將入

宮門者不納辛卯太后復臨朝攝政下詔追削劉騰官

爵除又名為民清河國郎中令韓子熙上書為清河王

懌訟冤

懌死見上卷元年復扶又翻書為于偽翻

乞誅元義等曰昔趙高柄

秦令關中鼎沸

事見秦紀

今元義專魏使四方雲擾開逆之

端起於宋維成禍之末良由劉騰宜梟首洿宮斬骸沈

族以明其罪

梟豎先翻洿哀都翻沈持林翻

太后命發劉騰之墓露散

其骨籍沒家貲盡殺其養子以子熙為中書舍人子熙

麒麟之孫也

韓麒麟見一百三十五卷齊武帝永明元年

初宋維父升常曰

維性踈險必敗吾家李崇郭祚游肇亦曰伯緒凶踈

宋維

字伯緒敗補遺翻

終傾宋氏若得殺身幸矣維阿附元義超遷

至洛州刺史

魏初置洛州於洛陽荊州於上洛太和遷洛以洛州為司州又置荊州於穰城以上

洛之荊州為洛州領上洛上庸魏興始平茂和郡

至是除名尋賜死義之解領

軍也太后以義黨與尚彊未可猝制乃以侯剛代義為

領軍以安其意尋出剛為冀州刺史加儀同三司未至

州黜為征虜將軍卒於家

卒子恒翻

太后欲殺賈粲以義黨

多恐驚動內外乃出粲為濟州刺史

濟子禮翻

尋追殺之籍

沒其家唯義以妹夫未忍行誅先是給事黃門侍郎元

順以剛直忤義意

先悉薦翻忤五故翻

出為齊州刺史太后徵還

為侍中侍坐於太后

坐徂卧翻

義妻在太后側順指之曰陛

下奈何以一妹之故不正元義之罪使天下不得伸其

寃憤太后嘿然順澄之子也

任城王雲及澄親宗室之賢王也

它日太

后從容謂侍臣曰

從千容翻

劉騰元乂昔嘗邀朕求鐵券冀

得不死朕賴不與韓子熙曰事關生殺豈繫鐵券且陛

下昔雖不與何解今日不殺太后憮然

憮罔南翻朱元晦曰憮然猶悵

然未幾有告乂及弟瓜謀誘六鎮降戶反於定州又招

魯陽諸蠻侵擾伊闕

伊闕在河南新城縣界隋開皇初改新城縣為伊闕縣幾居豈翻降

戶江翻

欲為內應得其手書太后猶未忍殺之羣臣固執

不已魏主亦以為言太后乃從之賜乂及弟瓜死于家

猶贈義驃騎大將軍儀同三司尚書令

驃匹妙翻
騎奇寄翻

江陽

王繼廢於家病卒前幽州刺史盧同坐義黨除名

去年同為

幽州刺史

太后頗事粧飾數出遊幸元順面諫曰禮婦人夫

沒自稱未亡人首去珠玉

數所角翻
去羌呂翻

衣不文采陛下母

臨天下年垂不惑

四十而不惑

修飾過甚何以儀刑後世太

后慙而還宮召順責之曰千里相徵豈欲衆中見辱耶

順曰陛下不畏天下之笑而耻臣之一言乎順與穆紹

同直順因醉入其寢所紹擁被而起正色讓順曰身二

十年侍中與卿先君亟連職事

亟去連朝
數數也

縱卿方進用

何宜相排突也遂謝事還家詔諭久之乃起初鄭義之

兄孫儼為司徒胡國珍行參軍私得幸於太后人未之

知蕭寶寅之西討以儼為開府屬

開府有
祿有屬

太后再攝政

儼請奉使還朝

使疏史朝
直述朝

太后留之拜諫議大夫中書

舍人領嘗食典御晝夜禁中每休沐太后常遣宦者隨

之儼見其妻唯得言家事而已中書舍人樂安徐紇粗

有文學

粗生
五翻

先以諂事趙修坐徙枹罕

趙修得罪見一
百四十五卷天

監二年後還復除中書舍人又諂事清河王懌懌死出

杞音膚為鴈門太守還洛復諂事元乂乂敗太后以紇為懌所

厚復召為中書舍人復扶紇又諂事鄭儼儼以紇有智

數仗為謀主仗直兩紇以儼有內寵傾身承接共相表

裏勢傾內外號為徐鄭儼累遷至中書令車騎將軍奇

寄紇累遷至給事黃門侍郎仍令舍人揔攝中書門下

之事軍國詔令莫不由之紇有機變彊力終日治事略

無休息不以為勞治直時有急詔令數吏執筆或行或

卧人别占之

占口占也

造次俱成

造七到翻

不失事理

人必小有才也然後

能迎世取寵以竊一時之權朱异徐統是也

然無經國大體專好小數見人

矯為恭謹遠近輻湊附之

為爾朱榮討徐鄭張本好呼到翻

給事黃門

侍郎袁纁李神軌皆領中書舍人為太后所信任時人

云神軌亦得幸於太后衆莫能明也神軌求婚於散騎

常侍盧義僖義僖不許黃門侍郎王誦謂義僖曰昔人

不以一女易衆男

引樂廣事事見八十五卷晉忠帝太安二年

卿豈易之耶

義僖曰所以不從者正為此耳

為于偽翻

從之恐禍大而速

誦乃堅握義僖手曰我聞有命不敢以告人

詩唐國風揚之水之

辭也女遂適他族臨婚之夕太后遣中使宣勅停之内外

惶怖義僖夷然自若

使疏史翻怖普布翻

神軌崇之子義僖度世

之孫也

盧度世見宋紀

胡琛據高平遣其大將萬俟醜奴宿

勤明達等寇魏涇州

琛丑林翻將即亮翻萬當作萬音莫北翻俟渠之翻萬俟虜複姓北

史曰萬俟其先匈奴之別也

將軍盧祖遷伊甕生討之不克蕭寶寅

崔延伯既破莫折天生引兵會祖遷等於安定甲卒十

二萬鐵馬八千軍威甚盛醜奴軍於安定西北七里時

以輕騎挑戰

騎奇寄翻挑使了翻

大兵未交輟委走延伯恃其勇

且新有功遂唱議為先驅擊之別造大盾內為鎖柱使

壯士負以趨謂之排城置輜重於中戰士在外自安定

北緣原北上

盾食尹翻重直用翻上時掌翻

將戰有賊數百騎詐恃文

書云是降簿

言是降人之名籍也降戶江翻下同

且乞緩師實寅延伯未

及閱視宿勤明達引兵自東北至降賊自西競下覆背

擊之

度或作顯

延伯上馬奮擊逐北徑抵其營賊皆輕騎延

伯軍雜步卒戰久疲乏賊乘間得入排城延伯遂大敗

死傷近二萬人

間古莫翻
近具新翻

寶寅收衆退保安定延伯自

恥其敗乃繕甲兵募驍勇

驍堅堯
翻下同

復自安定西進去賊

七里結營

時賊屯安定西彭阮復
扶又翻下復遂復失同

壬辰不告寶寅獨出

襲賊大破之俄頃平其數柵賊見軍士採掠散亂復還

擊之魏兵大敗延伯中流矢卒士卒死者萬餘人時大

寇未平復失驍將朝野為之憂恐

中竹仲翻卒子恤翻
將即亮翻朝直遙翻

為于
偽翻於是賊勢愈盛而羣臣自外來者太后問之皆言

賊弱以求悅媚由是將帥求益兵者往往不與

帥所
類翻

五月夷陵烈侯裴邃卒

時邃卒于軍中謚法有功

邃深

沈有思略

沈持林翻
思相吏翻

為政寬明將吏愛而憚之壬子以

中護軍夏侯肅督壽陽諸軍事馳驛代邃

益州刺史

臨汝侯淵猷遣其將樊文熾蕭世澄等將兵圍魏益州

長史和安於小劔魏益州刺史郗蚪遣統軍河南胡小

虎崔珍寶將兵救之文熾襲破其柵皆擒之使小虎於

城下說和安令早降

將即亮翻說式
尚翻降戶江翻

小虎遙謂安曰我

柵失備為賊所擒觀其兵力殊不足言努力堅守魏行

臺傳梁州援兵已至

魏行臺子建傳梁州監眼

語未終軍士以刀毆

殺之

毆鳥口翻

西南道軍司淳于誕引兵救小劔文熾置柵

於龍鬚山上以防歸路戊辰誕密募壯士夜登山燒其

柵梁軍望見歸路絕皆恐懼

怛許拱翻

誕乘而擊之文熾大

敗僅以身免虜世澄等將吏十一人斬獲萬計魏子建

以世澄購胡小虎之尸得而葬之魏魏昌武康伯李

崇卒

魏收地形志魏昌縣屬中山郡謚法克定禍亂曰武溫柔好樂曰康考異曰魏帝紀在五月戊子

按長歷是月乙亥朔無戊子今不書日

初帝納東昏侯寵姬吳淑媛

魏文

帝置淑媛宋明帝以淑媛為九嬪之首齊梁因之媛于蕃翻

七月而生豫章王綜宮

中多疑之及淑媛寵衰怨望密謂綜曰汝七月生兒安

得比諸皇子然汝太子次第幸保富貴勿泄也與綜相

抱而泣綜由是自疑晝則談詭如常詭近夜則於靜室

閉戶披髮席藁私於別室祭齊氏七廟又微服至曲阿

拜齊太宗陵齊無太宗聞俗說割血澀骨滲則為父子

滲所遂潛發東昏侯冢并自殺一男試之皆驗由是常

懷異志專伺時變伺相綜有勇力能手制奔馬輕財好

士唯留附身故衣餘皆分施

好呼到翻
施式政翻

恒致罄乏屢上

便宜求為邊任

恒戶登翻
上時掌翻

上未之許常於內齋布沙於

地終日跣行足下生胝

胝丁尼翻
皮厚也

日能行三百里王侯

妃主及外人皆知其志而上性嚴重人莫敢言又使通

問於蕭寶雷謂之叔父為南兖州刺史不見賓客辭訟

隔簾聽之出則垂帷於輿惡人識其面

惡烏路翻

及在彭城

魏安豐王延明臨淮王彧將兵二萬逼彭城

將卽亮翻
考異曰

南史陳慶之傳云
衆十萬今從梁書

勝負久未決上慮綜敗沒敕綜引軍

還綜恐南歸不復得至北邊

復扶又翻下
路復復取同

乃密遣人送

降款於或魏人皆不之信或募人入綜軍驗其虛實無

敢行者殿中侍御史濟陰鹿念為或監軍

鹿姓也風俗
通漢有已郡

太守鹿旗濟子
禮翻念羊茹翻

請行曰若綜有誠心與之盟約如其詐

也何惜一夫時兩敵相對內外嚴固念單騎間出

騎奇
寄翻

問古
莫翻徑趣彭城

趣七
喻翻

為綜軍所執問其來歷念曰臨淮

王使我來欲有交易耳時元略已南還綜聞之謂成景

雋等曰我常疑元略規欲反城

規圖也反
字來翻

將驗其虛實

故遣左右為略使

使疏吏
翻下同

入魏軍中呼彼一人令其人

果來可遣人詐為略有疾在深室呼至戶外令人傳言

謝之終又遣腹心安定梁話迎愈密以意狀語之

意者
傳終

欲降之意狀者告以說與成
景偽設謀之狀語牛倨翻

愈薄暮入城先引見胡龍

牙龍牙曰元中山甚欲相見

元略之南奔也梁封
為中山王故稱之

故遣

呼卿又曰安豐臨淮將少弱卒

將即亮翻
少詩治翻

規復此城容

可得乎愈曰彭城魏之東鄙勢在必爭得否在天非人

所測龍牙曰當如卿言又引見成景偽景偽與坐謂曰

卿不為刺客邪念曰今者奉使欲返命本朝

朝直達翻

相刺

之事更卜後圖景偁為設飲食

為于偽翻

乃引至一所詐令

一人自室中出為元略致意曰我昔有以南向

有以言有所為

也且遣相呼欲聞鄉事晚來疾作不獲相見念曰早奉

音旨冒險祇赴不得瞻見內懷反側遂辭退諸將競問

魏士馬多少念盛陳有勁兵數十萬諸將相謂曰此華

辭耳

史記商君曰說言華也將即亮翻少詩治翻

念曰崇朝可驗何華之有

鄭玄曰崇朝終朝也

乃遣念還成景偁送之戲馬臺

蘇軾曰彭城三面阻水樓

堞之下以汴泗為池獨其南可通軍馬而戰馬臺在馬其廣百步其高十仞

北望城澶

澶七
龍翻

謂曰險固如此豈魏所能取愈曰攻守在人何論險固

愈還於路復與梁話申固盟約

鹿愈既得綜之誠款知彭城之必可取與梁將

語率多大言蓋其中心喜躍不能自掩於言語之間使梁將有如史駢締疵之流必能察知其情矣

六月

庚辰綜與梁話及淮陰苗文寵夜出步殺魏軍

考異
曰南史

綜傳綜夜潛與梁話苗寵三騎開北門涉汴河遂奔蕭城自稱隊主見延明而拜延明坐之間具名字不答曰

殿下問人有見識者延明召使視之曰豫章王也延明喜下地執其手答其拜送于洛陽按魏書及北史鹿愈

傳皆豫有盟約豈得不知又魏書蕭贊傳作濟陰苗文寵北史作濟陰苗文寵今從南史及旦齋內

諸閣猶閉不開衆莫知所以唯見城外魏軍呼曰

呼火故翻

汝豫章王昨夜已來在我軍中汝尚何為城中求王不

獲軍遂大潰魏人入彭城乘勝追擊復取諸城至宿預

而還

還從宣翻又如字下同

將佐士卒死沒者什七八唯陳慶之

帥所部得還

史言陳慶之臨亂能整異於諸將帥讀曰率

上聞之驚駭有司

奏削綜爵土絕屬籍更其子直姓悖氏

更工衛翻下史名同

未旬

日詔復屬籍封直為永新侯

吳立永新縣宋屬安成郡

西豐侯正德

自魏還

事見上卷四年

志行無悛

行下孟翻悛丑緣翻

多聚亡命夜剽掠

於道

剽區
妙翻

以輕車將軍從綜北伐弃軍輒還上積其前

後罪惡免官削爵徙臨海未至追赦之綜至洛陽見魏

主還就館為齊東昏侯舉哀服斬衰三年

見賢通翻為
子偽翻衰倉

雷翻太后以下並就館弔之賞賜禮遇甚厚拜司空封高

平郡公丹楊王更名贊

考異曰梁書南史皆云
改名繒今從魏書北史

以苗

文寵梁話皆為光祿大夫封鹿愈為定陶縣子除員外

散騎常侍綜長史濟陽江革司馬范陽祖暉之皆為魏

所虜

散悉宜翻騎奇寄翻
濟子禮翻暉居鄧翻

安豐王延明聞其才名厚遇

之革稱足疾不拜延明使暉之作歌器漏刻銘革唾罵

暉之曰卿荷國厚恩乃為虜立銘

衍下可翻為于
馬翻下不為同

孤負

朝廷延明聞之令革作大小寺碑

考異曰南史作文
八寺碑今從梁書

祭彭祖文

彭城大彭氏之
姓也故祭之

革辭不為延明將簞之

簞止
葉翻

革厲色曰江革行年六十今日得死為幸誓不為人執

筆延明知不可屈乃止日給脫粟飯三升僅全其生而

已上密召夏侯竄還使休兵合肥俟淮堰成復進

夏戶
雅翻

復扶
又翻

癸未魏大赦改元孝昌

破六韓拔陵圍魏廣

陽王深于五原軍主賀拔勝募二百人開東門出戰斬

首百餘級賊稍退深拔軍向荊州勝常為殿

殿丁練訓

雲州

刺史費穆招撫離散四面拒敵時北境州鎮皆沒唯雲

中一城獨存

去年李崇使費穆守雲中

道路阻絕援軍不至糧仗俱

盡穆弃城南奔爾朱榮於秀容既而詣闕請罪詔原之

長流參軍于謹

長流參軍主禁防從公府置長流參軍小府無長流置禁防參軍

言於

廣陽王深曰今寇盜蜂起未易專用武力勝也謹請奉

大王之威命諭以禍福庶幾稍可離也

易以政翻幾居依翻

深許

之謹兼通諸國語乃單騎詣叛胡營見其酋長開示恩

信於是西部鐵勒酋長也列河等將三萬餘戶南詣深

降

野討奇奇翻商慈秋翻長知兩翻也母野翻唐姓也將即亮翻降戶江翻

深欲引兵至折

數嶺迎之

通典作折其嶺

謹曰破六韓拔陵兵勢甚盛聞也列

河等來降必引兵邀之若先據險要未易敵也不若以

也列河餌之而伏兵以待之必可破也深從之拔陵果

引兵邀擊也列河盡俘其衆伏兵發拔陵大敗復得也

列河之衆而還

復執人翻下輩復同

柔然頭兵可汗大破破六韓

拔陵

可從刊入
聲汗音寒

斬其將孔雀等拔陵避柔然南徙渡河

北河謂
北河也

將軍李叔仁以拔陵稍偏求援于廣陽王深深

帥衆赴之

帥讀
曰宰

賊前後降附者二十萬人深與行臺元

纂表乞於恒州北別立郡縣安置降戶隨宜賑貸息其

亂心魏朝不從

朝直
遠翻

詔黃門侍郎楊昱分處之冀定瀛

三州就食

處昌
呂翻

深謂纂曰此輩復為乞活矣

乞活事見
八十六卷

晉忠帝光熙元年按繁年圖書是年蠕蠕破
六韓拔陵通鑑明年書拔陵達達費律誘斬胡瑗

秋七

月壬戌大赦

八月魏柔玄鎮民杜洛周聚衆反于上

谷改元真王攻沒郡縣高歡蔡儁尉景及段榮安定彭

樂皆從之洛周圍魏燕州刺史博陵崔秉

燕因肩翻

九月丙

辰魏以幽州刺史常景兼尚書為行臺與幽州都督元

譚討之景璆之孫也

魏之儒風振於常與

自盧龍塞至軍都關皆

置兵守險譚屯居庸關

盧龍關在遼西肥如縣唐改肥如為盧龍縣杜佑曰盧龍塞在

平州盧龍縣城西北二百里軍都關在燕郡軍都縣唐志曰幽州昌平縣北十五里有軍都陁西北三十五里

有納疑關即居庸故關亦謂之軍都關考之漢志上谷郡有軍都居庸兩縣蓋各縣有關凡此屯守皆以防杜

洛周水經注居庸關在上谷沮陽城東南六十里軍都關在居庸山南

冬十月吐谷渾

遣兵擊趙天安天安降涼州復為魏

去年趙天安以涼州應莫折念生復

扶又翻降戶江翻

平西將軍高徽奉使囑還至枹罕

囑蓋涉翻連當

割翻又宅乳翻枹音膚

會河州刺史元祚卒

卒子恤翻

前刺史梁釗之

子景進引莫折念生兵圍其城長史元永等推徽行州

事勒兵固守景進亦自行州事徽請兵于吐谷渾吐谷

渾救之

吐從聯入聲谷音谷

景進敗走徽湖之孫也

史述高徽與高歡同其所

自出魏方有事於西北二荆西郢羣蠻皆反斷三鵝路

西荆治上洛北荆治襄城西郢治汝南真陽縣杜佑曰北荆州今即伊陽縣三鵝鎮在今汝州魯陽縣西南十

九里名高平城古遼角城在縣東南又云百里山在鄧州向城縣北是三鴟之第一鴟又北分嶺山北即三鴟之第二鴟其第三鴟入汝

州魯山縣界斷丁管翻

殺都督寇掠北至襄城汝水

有冉氏向氏田氏種落最盛

三姓蓋皆居汝源種章弟翻

其餘大者

萬家小者千室各稱王侯屯據險要道路不通十二月

壬午魏主下詔曰朕將親御六師掃蕩逋穢令先討荆

蠻疆理南服時羣蠻引梁將曹義宗等圍魏荊州

此荊州治

穰城將即亮翻

魏都督崔暹將兵數萬救之至魯陽不敢進魏

更以臨淮王彧為征南大將軍將兵討魯陽蠻

更工衛翻

司

空長史辛雄為行臺左丞東越葉城

葉城時為襄州治所此即漢南陽郡

之葉縣城也越七

俞翻葉式涉翻別遣征虜將軍裴衍恒農太守京兆

王羅

恒戶登翻考異曰周書羅傳羅未嘗為恒農太守今從魏書

將兵一萬自武關

出通三鵝路以救荊州衍等未至或軍已屯汝上

汝上汝水

之上州郡被蠻寇者爭來請救或以處分道別不欲應

之

被皮義翻處昌呂翻分扶問翻

辛雄曰今裴衍未至王士眾已集蠻

左唐突

自宋以來豫部諸蠻率謂之蠻左所置蠻郡謂之左郡

撓亂近畿

撓呼高翻擾也

王秉虔閩外見可而進何論別道或恐後有得失之責

邀雄符下

符尚書行臺符也下邳稼翻

雄以羣蠻聞魏主將自出心

心震動可乘勢破也遂符或軍令速赴擊羣蠻聞之果

散走魏主欲自出討賊中書令袁詵諫而止辛雄自軍

中上疏曰凡人所以臨陳忘身觸白刃而不憚者一求

榮名二貪重賞三畏刑罰四避禍難

陳諱曰陣難乃旦翻

非此數

者雖聖王不能使其臣慈父不能厲其子矣明主深知
其情故賞必行罰必信使親疎貴賤勇怯賢愚聞鐘鼓
之聲見旌旗之列莫不奮激競赴敵場豈慙久生而樂

速死哉

應與厥同
樂音洛

利害懸於前欲罷不能耳自秦隴逆

節蠻左亂常已歷數載

載子亥翻

三方之師敗多勝少跡其

所由不明賞罰之故也

三方之師謂西討秦隴
北禦邊鎮南擊蠻左也

陛下雖

降明詔賞不移時然將士之勲歷稔不決

歷稔猶言歷
年一年五穀

一稔故以
年為稔

亡軍之卒晏然在家是使節士無所勸慕庸

人無所畏懼

懼之涉翻

進而擊賊死交而賞賒

賒遠也

退而逃

散身全而無罪此其所以望敵奔沮不肯盡力者也陛下

下誠能號令必信賞罰必行則軍威必張盜賊必息矣

疏奏不省

省悉景翻

曹義宗等取順陽馬圈

圈求達翻

與裴衍等

戰於淅陽

漢弘農郡有析縣晉分屬順陽郡元魏置淅陽郡以其地在淅水之陽也即隋唐南鄉內

鄉二縣之地

義宗等敗退衍等復取順陽進圍馬圈洛州刺

史董紹以馬圍城堅衍等糧少上書言其必敗未幾義

宗擊衍等破之復取順陽

復扶又翻少詩沼翻上時掌翻幾居宜翻

魏以王

熙為荊州刺史

邵陵王綸攝南徐州事在州喜怒不

恒肆行非濫遨遊市里問賣鮓者曰刺史何如對言躁

虐綸怒令吞鮓而死

鮓與鯉同音市演翻鯉魚如蛇今江東溝港皆有之疎則到翻

百

姓惶駭道路以目

道路相逢者但以目相視而不敢言

嘗逢喪車奪孝子

服而著之

著則略翻

匍匐號叫

號戶刀翻下悲號同

籤帥懼罪密以聞

上始嚴責綸而不能改於是遣代綸悖慢逾甚

帥所類翻悖蒲

內翻又蒲反翻

乃取一老翁短瘦類上者加以袞冕置之高坐

朝以為君自陳無罪使就坐剥褫

生徂卧翻朝直送翻褫敕旁翻

捶之

於庭又作新棺貯司馬崔會意以輜車挽歌為送葬之

灋

撫止藥翻貯丁呂翻輜音而喪車也莊子曰絺絺所生必於斥苦絺絺挽歌也左傳公孫夏使其徒歌虞

殯杜預注曰虞殯送葬歌曲田橫之死其徒有蒿里薤露之歌搜神記曰挽歌喪家之樂執絺者相和之聲

使嫗東車悲號

嫗威遇翻

會意不能堪輕騎還都以聞上恐

其奔逸以禁兵取之將于獄賜盡太子統流涕固諫得

免戊子免綸官削爵土魏山胡劉蠡升反自稱天子

置百官

山胡即汾州之稽胡

初敕勒酋長斛律金事懷朔鎮將

楊均為軍主行兵用匈奴灋望塵知馬步多少嗅地知

軍遠近

前慈秋翻長知兩翻將即亮翻少詩治翻嗅許救翻

及破六韓拔陵反金

擁衆歸之拔陵署金為王既而知拔陵終無所成乃詣

雲州降仍稍引其衆南出黃貳堆

水經注桑乾水與武周水合而東南流屈

遷黃瓜堆南又東
南流遷桑乾郡北
為杜洛周所破脫身歸爾朱榮榮以

為別將

資治通鑑卷一百五十

資治通鑑卷一百五十一 宋 司馬光 撰

胡三省 音註

梁紀七

起柔兆敦牂盡強圉協洽凡二年

高祖武皇帝七

普通七年春正月辛丑朔大赦 壬子魏以汝南王悅

領太尉 魏安州石離穴城斛鹽三戍兵反應杜洛周

衆合二萬洛周自松岍赴之

水經注大榆河出禦夷鎮北塞中南流逕密雲戍西

又南流逕孔山西又歷案雲戍東右合孟廣峽水峽水
西逕孔山南上有洞穴開明故謂之孔山大榆河又東
南流白楊泉水注之水北發白楊溪望離石大榆河又
東南流出峽逕安州舊漁陽郡之滑鹽縣南世謂之斛
鹽城西北去禦夷鎮二百里岍輕煙翻或曰岍岍
字之誤也讀作陞唐志營州西北百里曰松陞嶺

行臺

常景使別將崔仲哲屯軍都關以邀之

將即亮翻

仲哲戰沒

元譚軍夜潰

元譚軍于居庸關見上卷上年

魏以別將李瑒代譚為都

督仲哲秉之子也

崔秉時為燕州刺史

初魏廣陽王深通於城

陽王徽之妃徽為尚書令為胡太后所信任會恒州人
請深為刺史徽言深心不可測及杜洛周反五原降戶

在恒州者謀奉深為主深懼上書求還洛陽

時深軍于朔州恒戶

登翻降戶江翻上時掌翻

魏以左衛將軍楊津代深為北道大都督

詔深為吏部尚書徵長壽之子也

長壽景穆子也

五原降戶鮮

于脩禮等帥北鎮流民反於定州之左城

按楊津傳左城當在博陵

界又水經注中山唐縣有左人城帥讀曰率

改元魯興引兵向州城州兵禦

之不利楊津至靈丘

靈丘縣漢屬代郡唐為蔚州

聞定州危迫引兵

救之入據州城修禮至津欲出擊之長史許被不聽津

手劒擊之

手首人翻此以記檀弓子手弓釋之為據

被走得免津開門出戰

斬首數百賊退人心少安

少詩
治翻

詔尋以津為定安州刺

史兼北道行臺魏以揚州刺史長孫稚為大都督北討

諸軍事與河間王琛共討修禮

長知兩翻
琛丑林翻

二月甲戌

北伐衆軍解嚴

魏西部敕勒斛律洛陽反於桑乾西

乾音
干

與費也頭牧子相連結三月甲寅游擊將軍爾朱

榮擊破洛陽於深井牧子於河西

北河
之西

夏四月乙酉

臨川靖惠王宏卒

魏大赦

癸巳魏以侍中車騎大

將軍城陽王徽為儀同三司

騎奇
寄翻

徽與給事黃門侍郎

徐統共毀侍中元順於太后出為護軍將軍太常卿順

奉辭於西遊園統侍側順指之謂太后曰此魏之宰

宰統吳太宰統也好護吳王夫差信而任之以至亡國統匹鄰翻

魏國不亡此終不死

統脅肩而出

朱元晦曰脅肩味體也小人側媚之態

順抗聲叱之曰爾刀

筆小才止堪供几案之用豈應汗辱門下戮我彝倫

汗烏

故翻致多路翻致也

因振衣而起太后嘿然

魏朔州城民鮮于

阿胡等據城反

阿從安入聲

杜洛周南出鈔掠薊城魏

常景遣統軍梁仲禮擊破之丁未都督李琚與洛周戰

于薊城之北敗沒常景帥衆拒之洛周引還上谷

鈔楚交翻

薊音計帥
讀同率

長孫稚行至鄴詔解大都督以河間王琛

代之稚上言薊與琛同在淮南琛敗臣全

謂為裴邃所敗事見上卷

上遂成私隙今難以受其節度魏朝不聽朝直前至呼

沱稚未欲戰琛不從鮮于修禮邀擊稚於五鹿

杜預曰陽平元

此縣東有五鹿即沙鹿也按呼沱不至元城界
此別有五鹿非左氏所謂五鹿也沱徒河翻

琛不赴

殺稚軍大敗稚琛並坐除名五月丁未魏主下詔將

北討內外戒嚴既而不行衡州刺史元晷自至江南

晨夕哭泣常如居喪及魏元義死

義死見上卷上年喪息亦翻

胡太

后欲召之知畧因刀雙獲免

事見一百四十九卷晉通元年

徵雙為光

祿大夫遣江革祖暄之南還以求畧

江革祖暄之沒魏見上卷上年暄古

鄧翻上備禮遣之寵贈甚厚畧始濟淮魏拜畧為侍中賜

爵義陽王以司馬始賓為給事中栗法光為本縣令刀昌為東平太守刀雙為西兗州刺史凡畧所過一殮一

宿皆賞之

畧來奔見一百四十九卷元年栗法光也留人魏孝昌十年置西兗州於定陶領沛濟陰

二郡是年則孝是一年也

魏以丞相高陽王雍為大司馬復以廣

陽王深為大都督討鮮于脩禮

復扶又翻

章武王融為左都

督裴衍為右都督並受深節度深以其子自隨城陽王

徽言於太后曰廣陽王攜其愛子握兵在外將有異志

乃敕融衍潛為之備

疑則勿任任則勿疑既以深為大督而又使小督備之何以責其珍

乎冠融衍以敕示深深懼事無大小不敢自決太后使問

其故對曰徽銜臣次骨

李奇曰次骨者言深刻至骨

臣疏遠在外徽

之構臣無所不為自徽執政以來臣所表請多不從允

徽非但害臣而已從臣將士有勲勞者皆見排抑不得

比它軍仍深被憎嫉或因其有罪加以深文至於殊死

以是從臣行者莫不悚懼有言臣善者視之如仇讎言

臣惡者待之如親戚徽居中用事朝夕欲陷臣於不測

之誅臣何以自安陛下若使徽出臨外州臣無內顧之

憂庶可以畢命賊庭展其忠力太后不聽為深死于盜手張本徽

與中書舍人鄭儼等更相阿黨更工衙翻外似柔謹內實忌

克賞罰任情魏政由是愈亂 戊申魏燕州刺史崔秉

帥眾奔城奔定州燕州自去年八月為杜洛周所圍燕因肩翻 乙丑魏以

安西將軍宗正珍孫為都督

宗正複姓漢楚元王交之子郢客孫德世為宗正子

孫因以為氏

討汾州反胡

討劉粲升也

六月魏絳蜀陳雙熾聚

衆反

蜀人徙居絳都者謂之絳蜀絳縣漢晉屬河東郡元魏分置絳郡魏收志郡屬東雍州

自號

始建王魏以假鎮西將軍長孫稚為討蜀都督

考異曰費穆

傳穆為都督平絳蜀不應有兩都督今從帝紀

別將河東薛脩義輕騎詣雙熾

壘下曉以利害雙熾即降詔以脩義為龍門鎮將

此龍門在

河東北屈縣西魏世祖神龜元年禽赫連昌改北屈為禽昌縣將即亮翻降戶江翻

丙子魏徙

義陽王略為東平王頃之遷大將軍尚書令為胡太后

所委任與城陽王徽相埒

埒力

然徐鄭用事略亦不敢

違也

魏當時宗室略其巨擘也史言其居淫昏之朝不能矯正

杜洛周遣都督王

曹紇真等將兵掠薊南

時杜洛周葛榮等作亂其軍中將領無不加以王爵曹紇真以

都督加王號故曰都督王

秋七月丙午行臺常景遣都督于榮等擊

之於栗園

栗園當在范陽固安縣界固安之東天下稱之

大破之斬曹紇真及

將卒三千餘級洛周帥衆南趣范陽

范陽縣前漢屬涿郡後漢章帝改涿

郡為范陽郡帥請曰率趣七喻翻

景與榮等又破之

魏僕射元纂以

行臺鎮恒州鮮于阿胡擁朔州流民寇恒州戊申陷平

城纂奔冀州

恒州治平城平城魏之故都亦陷於賊其不競甚矣恒戶登翻

上聞淮

堰水盛壽陽城幾沒

觀此蓋淮堰復成也

復遣郢州刺史元樹等

自北道攻黎漿豫州刺史夏侯亶等自南道攻壽陽

扶復

又翻下
祭復同

八月癸巳賊帥元洪業斬鮮于脩禮請降于

魏

帥所類翻
降戶江翻

賊黨葛榮復殺洪業自立

考異曰北史
廣陽王深傳云

深以兵士類經退散人無聞情連營轉柙日行十里行
達交津隔水而陳賊修禮常與葛榮謀後稍信朔州人
毛普賢榮常銜之普賢普為深統軍及在交津深使人
諭之普賢乃有降意又使錄事參軍元晏說賊程殺鬼
果相猜貳榮遂殺普賢脩禮而自立與魏
帝紀全殊又其語錯亂難曉今從帝紀

魏安北將

軍都督恒朔討虜諸軍事爾朱榮過肆州肆州刺史尉

慶賓忌之據城不出

尉舒勿翻

榮怒舉兵襲肆州執慶賓還

秀容署其從叔羽生為刺史魏朝不能制

此時爾朱榮已有無魏之心矣從才用初賀拔允及弟勝岳從元纂在恒州平城

翻朝直達翻

之陷也允兄弟相失岳奔爾朱榮勝奔肆州榮克肆州

得勝大喜曰得卿兄弟天下不足平也以為別將

將即亮翻

軍中大事多與之謀九月己酉都陽忠烈王恢卒

葛榮既得杜洛周之衆

魏主武泰元年葛榮方并杜洛周北得鮮于脩禮之衆也

北

趣瀛州

趣七音翻

魏廣陽忠武王深自交津引兵躡之

水經注津

水過武安縣東清水自涉縣東南來注之世謂決入之所為交津口

辛亥榮至白牛邏

魏據

紀白牛邏在高陽傳野縣還郎佐翻

輕騎掩擊章武莊武王融殺之榮自

稱天子國號齊改元廣安深聞融敗停車不進侍中元

晏密言於太后曰廣陽王盤桓不進坐圖非望有于謹

者智略過人為其謀主風塵之際恐非陛下之純臣也

太后深然之詔勝尚書省門募能獲謹者有重賞謹聞

之謂深曰今女主臨朝

朝直還翻

信用讒佞苟不明白殿下

素心恐禍至無日謹請束身詣闕歸罪有司遂徑詣勝

下自稱于謹有司以聞太后引見大怒

見賢通翻

謹備論深

忠款兼陳停軍之狀太后意解遂捨之深引軍還趣定

州

起七
翻

定州刺史楊津亦疑深有異志深聞之止於州

南佛寺經二日深召都督毛謚等數人交臂為約危難

之際相拯恤

謚神至翻
難乃旦翻

謚愈疑之密告津云深謀不

軌津遣謚討深深走出謚呼噪逐深深與左右間行至

博陵界

間古莧翻
博陵郡元魏屬定州

逢葛榮遊騎劫之詣榮

奇騎

寄賊徒見深頗有喜者榮新立惡之

恐其徒有欲奉深為主者故惡之惡

烏路

遂殺深城陽王徽誣深降賊錄其妻子

降戶

深府

佐宋遊道為之詐理乃得釋遊道繇之立孫也

宋繇事西涼李

氏李滅事沮渠渠滅入魏為子偽

甲申魏行臺常景破杜洛周斬

其武川王賀拔文興等捕虜四百人

就德興陷魏平

州殺刺史王買奴

魏平州治肥如即唐平州盧龍縣地

天水民呂伯虔

本莫折念生之黨也後更據顯親以拒念生

漢光武置顯親侯國

以封實友以其兄融

以河西歸附且以顯其孝文實后之親也屬漢陽郡後魏屬天水郡至唐時秦州成紀縣

治顯
親川

已而不勝亡歸胡琛琛母琛以為大都督秦王資

以士馬使擊念生伯度屢破念生軍復據顯親

復扶又
胡下生

復乃叛琛東引魏軍念生窘迫乞降於蕭寶寅

宕渠
胡翻寶

寅使行臺左丞崔士和據秦州魏以伯度為涇州刺史

封平秦郡公

魏大延二年置平秦
郡於雍縣屬岐州

大都督元脩義停軍

隴口久不進

隴口隴
地之口

念生復反執士和送胡琛於道殺

之久之伯度為万俟醜奴所殺

万莫北胡
俟渠之翻

賊勢益盛寶

寅不能制胡琛與莫折念生交通事破六韓拔陵浸慢

琛應拔陵見
上卷五年

拔陵遣其臣費律至高平誘琛斬之

誘音酉

醜奴盡并其衆

冬十一月庚辰大赦

丁貴嬪卒太

子水漿不入口

太子統丁貴嬪所生也卒子恤

上使謂之曰毀不滅

性

引孝經孔子之言

况我在邪乃進粥數合

合古音翻漢志曰十合為合合者合

之量也

太子體素肥壯腰帶十圍至是減削過半

過工禾翻

夏侯亶等軍入魏境所向皆下辛巳魏揚州刺史李憲

以壽陽降

降戶下同

宣猛將軍陳慶之入據其城凡降城

五十二獲男女七萬五千口丁亥縱李憲還魏復以壽

陽為豫州

自宋以來以壽陽為豫州裴叔業叛齊降魏魏以壽陽為揚州復漢魏之舊也今復以壽

陽為豫州復宋齊之舊也復以扶又翻又如字

改合肥為南豫州

天監五年徙豫州治合肥

以夏侯亶為豫南豫二州刺史壽陽久罹兵革民多離

散亶輕刑薄賦務農省役頃之民戶充復杜洛周圍

范陽戊戌民執魏幽州刺史王延年行臺常景送洛周

開門納之

常景擊杜洛周數戰數勝而終于為虜者民樂於從亂而疾視其上也

魏齊

州平原民劉樹等反

宋武帝僞置平原郡于梁鄒屬齊州後入於魏改冀州為齊州平原

為東平原郡

攻陷郡縣頻敗州軍刺史元欣以平原房士達

為將討平之

敗補通翻
將即亮翻

曹義宗據穰城以逼新野人

羊翻魏遣都督魏承祖及尚書左丞南道行臺辛纂救之

考異曰梁書此年冬新野降魏書肅宗崩後新野猶在恐梁書誤蓋梁自前年攻新野此年魏仗魏承祖救之也又周于謹傳云孝昌二年與辛纂討義宗今以為據義宗戰不利不敢進纂雄

之從父兄也魏盜賊日滋征討不息國用耗竭豫徵

六年租調猶不足

調徒弔翻

乃罷百官所給酒肉又稅入市

者人一錢及邸店皆有稅百姓嗟怨吏部郎中辛雄上

疏以為華夷之民相聚為亂豈有餘憾哉正以守令不

得其人

又守式翻

百姓不堪其命故也宜及此時早加慰撫

但郡縣選舉由來共輕貴遊儁才莫肯居此宜改其弊

分郡縣為三等清官選補之法妙盡才望如不可並後

地先才不得拘以停年

地門地也崔亮制停年格見一百四十九卷天監十八年後先

並去聲

三載黜陟

載子亥翻

有稱職者補在京名官

稱尺證翻

如不

歷守令不得為內職則人思自勉枉屈可申彊暴自息

矣不聽

大通元年

是年三月方改元大通

春正月乙丑以尚書左僕射徐

勉為僕射

時右僕射缺故左僕射止為僕射

辛未上祀南郊

甲戌

魏以司空皇甫度為司徒儀同三司蕭寶寅為司空

魏分定相二州四郡置殷州

按魏收志殷州止領趙郡鉅鹿南鉅鹿三郡蓋初置

時燕領相州之廣宗郡也殷州治廣阿劉昫曰北齊改為趙州隋改廣阿為大陸唐武德四年改為象城天寶

二年改為昭慶以有建初啟運二陵也宋開寶五年改昭慶為隆平熙寧六年省隆平縣為隆平鎮入臨城縣

相息亮以北道行臺博陵崔楷為刺史楷表稱州今新立

尺刃斗糧皆所未有乞資以兵糧詔付外量聞

使量計合給兵

糧之數以聞也量音良

竟無所給或勸楷留家單騎之官

寄奇楷

曰吾聞食人之祿者憂人之憂若吾獨往則將士誰肯

固志哉遂舉家之官葛榮逼州城或勸裁弱小以避之

楷遣幼子及一女夜出既而悔之曰人謂吾心不固虧

忠而全愛也遂命追還賊至彊弱相懸又無守禦之具

楷撫勉將士以拒之莫不爭奮皆曰崔公尚不惜百口

吾屬何愛一身連戰不息死者相枕

枕職任翻

終無叛志辛

未城陷楷執節不屈榮殺之

藩翰之任保境安民上也全城却敵次也死於城郭

豈得已哉崔楷閭家并命其志節有可憐矣上之人實有罪焉遂圍冀州 蕭寶寅出

兵累年將士疲弊秦賊擊之寶寅大敗於涇州收散兵

萬餘人屯逍遙園東秦州刺史潘義淵以汧城降賊秦州

既為賊所據魏置東秦州于隴東郡治汧城即隋唐之汧源縣也將即亮翻汧口堅翻降戶江翻莫折

念生進逼岐州城人執刺史魏蘭根應之豳州刺史畢

祖暉戰沒行臺辛深奔城走奔豳州城也北海王顥軍亦敗

賊帥胡引祖據北華州引祖恐當作弘祖魏孝文帝太和十五年置東秦州於杏城後

改為北華州領中郎數城郡帥所類翻華戶化翻叱干麒麟據豳州以應天生

叱干虜復姓關中大擾雍州刺史楊椿募兵得七千餘人帥

以拒守

雍於用翻
帥讀曰率

詔加椿侍中兼尚書右僕射為行臺

節度關西諸將北地功曹毛鴻賓引賊抄掠渭北

抄楚交翻

雍州錄事參軍楊侃將兵三千掩擊之鴻賓懼請討賊

自効遂擒送宿勤烏過仁烏過仁者明達之兄子也莫

折天生乘勝寇雍州

考異曰羊侃傳
作突遮今從魏書

蕭寶寅部將羊

侃隱身塹中射之應弦而斃

塹七鮑翻
射而亦翻

其衆遂潰侃社

之子也

魏右民郎陽平路思令上疏

晉武帝置尚
書右民郎

以

為師出有功在於將帥得其人則六合唾掌可清

人欲舉手

有為先唾其掌六合天地東南西北也失其人則三河

唾掌可清言其易也唾湯卧翻口液也

方為戰地此指漢三河之地為言起都洛陽三河則戰句也

竊以比年將帥多

寵貴子孫銜杯躍馬志逸氣浮軒眉扼腕以攻戰自許

及臨大敵憂怖交懷雄圖銳氣一朝頓盡乃令羸弱在

前以當冠彊壯居後以衛身兼復器械不精進止無節

以當負險之衆敵數戰之虜

脫烏貫翻怖普布翻羸倫為翻比毗至翻復扶又翻

下復疑同數所角翻欲其不敗豈可得哉是以兵知必敗始集而

先逃將帥畏敵遷延而不進國家謂官爵未滿屢加寵

命復疑賞賚之輕日散金帛帑藏空竭民財殫盡

帑它朗細

藏祖浪翻

遂使賊徒益甚生民彫弊凡以此也夫德可感義

夫恩可勸死士今若黜陟幽明賞罰善惡簡練士卒繕

修器械先遣辯士曉以禍福如其不悛以順討逆

悛母絳翻

如此則何異厲蕭斧而伐朝菌

戰國時雍門周有是言莊子曰朝菌不知晦朔

音義云菌大芝也天陰生菌上見日則死梁簡文云菌歎生之芝也音其隕翻

鼓洪爐而燎毛

髮哉弗聽

戊子魏以皇甫度為太尉

己丑魏主以

四方未平詔內外戒嚴將親出討竟亦不行

譙州刺

史湛僧智圍魏東豫州

姓湛湛文斌翻姓也後漢有大司農湛重帝置譙州治新昌城

領新昌高塘臨徐南梁郡五代志江都郡清流縣舊置新昌郡 考異曰魏帝紀及曾世表傳作湛僧今從梁

夏侯 傳將軍彭羣王辯圍琅邪魏敕青南青二州救琅邪

魏青州領齊北海樂安勃海高陽河間樂陵郡南青州當又置于其南 司州刺史夏侯夔

帥壯武將軍裴之禮等出義陽道攻魏平靜穆陵陰山

三關皆克之

水經注木陵關在黃武山東北晉西陽城西南紳續曰率下同

夔亶之弟

之禮邃之子也

魏東清河郡山賊羣起詔以齊州長

史房景伯為東清河太守

宋武帝僑置清河郡於盤陽屬冀州後入于魏為東清河

郡屬齊州五代志齊州長山
縣清河平原二郡併入焉
郡民劉簡虎嘗無禮於景

伯舉家亡去景伯窮捕禽之署其子為西曹掾令諭山

賊賊以景伯不念舊惡皆相帥出降

降戶江翻

景伯母

崔氏通經有明識貝丘婦人列其子不孝

貝丘傷縣亦
宋武帝置屬

清河郡五代志齊州淄川縣舊曰貝丘置東清河郡按
前注所謂清河郡置於盤陽者據魏收地形志宋郡也

五代志長山之清河平原雙頭郡也
房景伯所守者貝丘之東清河也

景伯以白其母母

曰吾聞聞名不如見面山民未知禮義何足深責乃召

其母與之對榻共食使其子侍立堂下觀景伯供食未

旬日悔過求還崔氏曰此雖面慙其心未也且置之凡

二十餘日其子叩頭流血母涕泣乞還然後聽之卒以

孝聞

卒子恤翻

景伯法壽之族子也

房法壽見一百三十二卷宋明帝泰始三年

二月秦賊據魏潼關

出蕭寶寅之後

庚申魏東郡民趙顯

德反殺太守裴烟自號都督

魏東郡治滑臺城屬西兗州烟俗煙字

將

軍成景雋攻魏彭城魏以前荊州刺史崔孝芬為徐州

行臺以禦之先是孝芬坐元義黨與盧同等俱除名

盧同

除名見上卷普通六年先悉薦翻

及將赴徐州入辭太后太后謂孝芬

曰我與卿姻戚

時太后為魏主納孝芬女為世婦故云然

奈何內頭元義車

中稱此老嫗會須去之

嫗咸遇翻去羌呂翻

孝芬曰臣蒙國厚恩

實無斯語假令有之誰能得聞若有聞者此於元義親

密過臣遠矣太后意解悵然有愧色景雋欲堰泗水以

灌彭城孝芬與都督李叔仁等擊之景雋遁還三月

甲子魏主詔將西討中外戒嚴會秦賊西走復得潼關

復扶又翻

戊辰詔回駕北討其實皆不行葛榮久圍信都

魏以金紫光祿大夫源子邕為北討大都督以救之

初上作同泰寺又開大通門以對之取其反語相協同

反為大大通反為同是反語相協也反音翻

上晨夕幸寺皆出入是門辛未

上幸寺捨身甲戌還宮大赦改元

改是年為大通元年

魏齊州

廣川民劉鈞聚眾反

宋武帝僑置廣川郡屬冀州入魏屬齊州五代志齊州長山縣舊曰

武彊置廣川郡

自署大行臺清河民房項自署大都督屯據昌

國城

魏收志東清河郡武城縣有昌國城

夏四月魏將元斌之討東郡

斬趙顯德

將即亮翻

己酉柔然頭兵可汗遣使入貢於魏

可從刊入聲汗音寒使跪吏翻

且請討羣賊魏人畏其反覆詔以盛暑

且俟後敕 魏蕭寶寅之敗也有司處以死刑詔免為

庶人雍州刺史楊椿有疾求解復以寶寅為都督雍涇

等四州諸軍事征西將軍雍州刺史開府儀同三司西

討大都督自關以西皆受節度

處昌呂翻復扶
又翻雍於用翻

椿還鄉

里

楊椿世
居華陰

其子昱將適洛陽椿謂之曰當今雍州刺史

亦無踰於寶寅者但其上佐朝廷應遣心膂重臣何得

任其牒用此乃聖朝百慮之一失也

朝直
達翻

且寶寅不藉

刺史為榮吾觀其得州喜悅特甚至於賞罰云為不依

常憲恐有異心汝今赴京師當以吾此意啟二聖

二聖謂胡

太后魏主

并白宰輔更遣長史司馬防城都督欲安關中正

須三人耳如其不遣必成深憂昱面啟魏主及太后皆

不聽

是後寶寅以關中叛魏如楊椿所料

五月丙寅成景雋攻魏臨潼

竹邑拔之

魏置臨潼郡治臨潼城據水經城臨潼水故名竹邑即漢沛郡之竹縣也魏為南濟陰郡

治所五代志下邳郡夏丘縣舊置臨潼郡彭城郡符離縣隋廢竹邑八馬宋白曰符離縣朝斛城西南七十里

有竹邑城東宮直閤蘭欽攻魏蕭城厥固拔之

東宮亦有直閤將軍魏收

志魏沛郡治蕭縣黃陽城又領內相縣有厥城領內猶言管內也

欽斬魏將曹龍牙

將即

亮

六月魏都督李叔仁討劉鈞平之

秋七月魏陳

郡民劉獲鄭辯反於西華

西華縣漢屬汝南郡晉屬潁川郡元魏屬陳郡

改元

天授與湛僧智通謀

湛僧智通魏東豫州人

魏以行東豫州刺史

譙國曹世表為東南道行臺以討之源子恭代世表為

東豫州諸將以賊衆彊官軍弱且皆敗散之餘不敢戰

欲保城自固世表方病背腫輦出呼統軍是云寶

是云姓也

魏書官氏志內入諸姓有是云氏

謂曰湛僧智所以敢深入為寇者以

獲辯皆州民之望為之內應也鄉聞獲引兵欲迎僧智

去此八十里今出其不意一戰可破獲破則僧智自走

矣乃選士馬付寶暮出城比曉而至

比必利翻及也

擊獲大破

之窮討餘黨悉平僧智聞之遁還鄭辯與子恭親舊亡
匿子恭所世表集將吏面責子恭收辯斬之 魏相州

刺史樂安王鑒與北道都督裴衍共救信都

相息亮翻樂安當作

安樂樂音洛

鑒幸魏多故陰有異志遂據鄴叛降葛榮

降戶江翻

下同 已丑魏大赦初侍御史遼東高道穆奉使相州

使疏

吏翻下同

前刺史李世哲奢縱不法道穆索之世哲弟神軌

用事道穆兄謙之家奴訴良

律禁壓良為賤謂本是良民壓為奴婢

神軌

收謙之繫廷尉赦將出神軌啟太后先賜謙之死朝士

哀之

朝直達翻

彭羣王辯圓琅邪自夏及秋魏青州刺史

彭城王劭遣司馬鹿愈南青州刺史胡平遣長史劉仁

之將兵擊羣辯破之羣戰沒劭歸之子也

彭城王劭魏之賢王也死

於高聲之諧念羊茹翻將即亮翻歸音協

八月魏遣都督源子邕李神軌

裴衍攻鄴子邕行及湯陰

湯陰縣漢屬河內郡晉廢縣其地在汲郡界

安樂

王鑒遣弟斌之夜襲子邕營不克子邕乘勝進圍鄴城

丁未拔之斬鑒傳首洛陽改姓拓拔氏魏因遣子邕裴

衍討葛榮 九月秦州城民杜粲殺莫折念生闔門皆

盡粲自行州事南秦州城民辛琛亦自行州事遣使詣

蕭寶寅請降

琛丑林胡

魏復以寶寅為尚書令還其舊封

寶寅

涇州之敗免為庶人舊封者寶寅自丹楊郡公徙封梁郡公復扶又翻

譙州刺史湛僧

智圍魏東豫州刺史元慶和於廣陵

此廣陵城在新息縣界

魏將

軍元顯伯救之司州刺史夏侯夔自武陽引兵助僧智

武陽關義陽三關之一也

冬十月夔至城下慶和舉城降夔以讓僧

智僧智曰慶和欲降公不欲降僧智今往必乖其意且
僧智所將應募烏合之人不可御以法公持軍素嚴必
無侵暴受降納附深得其宜變乃登城拔魏幟建梁幟
幟昌志翻慶和東兵而出吏民安堵獲男女四萬餘口

臣光曰湛僧智可謂君子矣忘其積時攻戰之勞

湛僧

智自是年正月
攻圍東豫州

以授一朝新至之將知己之短不掩

人之長功成不取以濟國事忠且無私可謂君子矣
元顯伯宵遁諸軍追之斬獲萬計詔以僧智領東豫州

刺史鎮廣陵夔引軍屯安陽

魏志東潁州汝南郡有安陽縣五代志汝南真陽

縣隋廢魏安陽縣入馬

遣別將屠楚城

魏志梁置西楚州於楚城五代志汝南郡城陽縣

梁置楚州由是義陽北道遂與魏絕

領軍曹仲宗東宮直

閤陳慶之攻魏渦陽

渦古水翻

詔尋陽太守章放將兵會之

魏散騎常侍費穆引兵奄至

散悉宜翻奇寄翻

放營壘未立麾

下止有二百餘人放免胄下馬據胡牀處分

胡牀即今之交牀隋

惡胡字改曰交牀今之交倚是也處昌呂翻分扶問翻

士皆殊死戰莫不一當百

魏兵遂退放敵之子也

梁之將帥韋敵一人而已

魏又遣將軍元昭

等衆五萬救渦陽前軍至駝澗去渦陽四十里

今自肥河口汴

江西上得駝澗灘其灘南對永壽館北至耶河

陳慶之欲逆戰韋放以魏之前

鋒必皆輕銳不如勿擊待其來至慶之曰魏兵遠來疲

倦去我既遠必不見疑及其未集須挫其氣諸君若疑

君或作軍

慶之請獨取之於是帥麾下二百騎進擊破之

帥請

曰率騎奇寄細

魏人驚駭慶之乃還與諸將連營而進背渦陽

城與魏軍相持

背蒲妹翻

自春至冬數十百戰將士疲弊聞

魏人欲築壘於軍後曹仲宗等恐腹背受敵議引軍還

慶之杖節軍門曰共來至此涉歷一歲

去年慶之入壽陽至此涉歷一

年糜費極多今諸君皆無關心唯謀退縮豈是欲立功

名直聚為抄暴耳

抄楚交翻

吾聞置兵死地乃可求生

兵法置之

死地而後生

須虜大合然後與戰審欲班師慶之別有密敕

今日犯者當依敕行之仲宗等乃止魏人作十三城欲

以控制梁軍慶之銜枚夜出陷其四城渦陽城主王緯

乞降

緯于賁翻史元慶和以

考異曰魏帝紀九月辛卯東豫州刺史城叛梁帝紀十月庚戌魏東豫州刺史

史元慶和以渦陽內屬夏侯夔傳潘僧智圍元慶和于廣陵慶和請降詔以僧智為東豫州鎮廣陵章放傳普

通八年曹仲宗攻渦陽放會之城主王偉降陳慶之傳
大通元年隸曹仲宗伐渦陽城主王偉降詔以渦陽置
西徐州然則廣陵渦陽西處兩事梁紀慶和渦陽之間
或更有脫字耳魏紀九月據聞慶和始叛之時梁紀十
月據慶和降款到日按陳慶之傳云自春至冬今從梁
紀十月為定此別一廣陵非南兖州之廣陵也王偉當
作王緯蓋草書之誤也 韋放簡遣降者三十餘人分報魏諸營陳

慶之陳其俘馘鼓譟隨之九城皆潰追擊之俘斬略盡
尸咽渦水所降城中男女三萬餘口 蕭寶寅之敗於

涇州也或勸之歸罪洛陽或曰不若留關中立功自効

行臺都令史河間馮景曰擁兵不還此罪將大

尚書有
都令史

故行臺亦置之寶寅不從自念出師累年糜費不貲一旦覆敗

內不自安魏朝亦疑之

朝直達翻

中尉鄺道元素名嚴猛司

州牧汝南王悅

魏都洛陽置司州

嬖人丘念弄權縱恣道元收

念付獄悅請之於胡太后太后欲赦之道元殺之并以

劾悅時寶寅反狀已露悅乃奏以道元為關右大使

嬖早

長翻又博計翻劾戶縣翻又戶得翻使疏吏翻

寶寅聞之謂為取已甚懼長安

輕薄子弟復勸使舉兵

復扶又翻下不復寅復同

寶寅以問河東柳

楷楷曰大王齊明帝子天下所屬

屬之欲翻

今日之舉實允

人望且謠言鸞生十子九子嬖一子不嬖關中亂

齊明帝諱

鸞寶寅之父也假徒玩翻卯壞也周泰以前以亂為治

大王當治關中何所疑道

元至陰盤驛

此陰盤縣驛也魏收地形志曰陰盤縣本屬安定晉屬京兆魏真君七年併新豐太

和十一年復置陰盤縣鴻門戲水正屬縣界按漢安定郡與京兆相去遼遠中間為馮翊所隔自晉以後所置

陰盤縣非漢安定之陰盤縣地也魏收不深考耳宋白曰京兆昭應縣東十三里有故城後漢靈帝末移安定

郡陰盤縣寄理於此今亦謂之陰盤城後魏太和九年自此復移陰盤縣城於今昭應縣東三十二里零水西

戲水東司馬村故城是也

寶寅遣其將郭子恢攻殺之

將即亮翻收殞其

尸表言白賊所害

秦人謂鮮卑為白虜自苻秦之亂鮮卑之種有因而留關中者是時亦相

杜為盜因謂之白賊或
曰白賊謂白地之寇也

又上表自理稱為楊椿父子所

譖寶寅行臺郎中武功蘇湛卧病在家寶寅令湛從母

弟開府屬天水姜儉說湛

魏以寶寅為開府故有掾有屬從才用翻說式尚翻

曰

元略受蕭衍旨欲見勦除

略自梁還魏大見寵任故寶寅託以為言勦子小翻

道

元之來事不可測吾不能坐受死亡今須為身計不復

作魏臣矣死生榮辱與卿共之湛聞之舉聲大哭儉遽

止之曰何得便爾湛曰我百口今屠滅云何不哭哭數

十聲徐謂儉曰為我白齊王

寶寅歸魏封為齊王故稱之為子偽翻下口為同

王本以窮鳥投人賴朝廷假王羽翼榮寵至此屬國步

多虞

屬之秋翻

不能竭忠報德乃欲乘人間隙

間古苑翻

信惑行

路無識之語欲以羸敗之兵守關問鼎

守關謂寶寅欲守潼關之險割

據關中間鼎謂欲窺天位成王定鼎于郊廓三代之世寶也楚莊問鼎之大小輕重欲以兵威脅取之故以諭

窺天位者羸倫為翻

今魏德雖衰天命未改且王之恩義未洽於

民但見其敗未見有成蘇湛不能以百口為王族滅寶

寅復使謂曰我救死不得不爾所以不先相白者恐沮

吾計耳

沮在呂翻

湛曰凡謀大事當得天下奇才與之從事

今但與長安博徒謀之此有成理不

不讀曰否

湛恐荆棘必

生於齋閤

此亦用伍胥伍被語意

願賜骸骨歸鄉里庶得病死下

見先人寶寅素重湛且知其不為已用聽還武功甲寅

寶寅自稱齊帝改元隆緒赦其所部置百官都督長史

毛遐

寶寅都督雍涇等四州又為西討大都督以遐為府長史

鴻賓之兄也與鴻賓

帥氐羌起兵於馬祗柵以拒寶寅

帥讀曰率

寶寅遣大將軍

盧祖遷擊之為遐所殺寶寅方祀南郊行即位禮未畢

聞敗色變不暇整部伍狼狽而歸以姜儉為尚書左丞

委以心腹文安周惠達為寶寅使在洛陽

文安縣前漢屬勃海後漢

屬河間晉置章武郡文安屬馬使疏吏翻

有司欲收之惠達逃歸長安寶寅

以惠達為光祿勳丹陽王蕭贊聞寶寅反懼而出走趣

白馬山

趣七音翻

至河橋為人所獲魏主知其不預謀釋而

慰之行臺郎封偉伯等與關中豪傑謀舉兵誅寶寅事

泄而死魏以尚書僕射長孫稚為行臺以討寶寅正平

民薛鳳賢反

魏收志世祖置太平郡於河東聞喜縣孝文太和十八年改曰正平郡屬雍州領聞

喜曲沃二縣

宗人薛脩義亦聚眾河東分據鹽池攻圍蒲坂

東西連結以應寶寅詔都督宗正珍孫討之十一月

丁卯以護軍蕭淵藻為北討都督鎮渦陽戊辰以渦陽

為西徐州

渦陽魏置蕪州梁改為西徐州領南蕪汴龍亢新城潁川臨渙蒙郡渦音戈

葛

榮園信都自春及冬冀州刺史元孚帥勵將士晝夜拒

守

帥讀曰率下同

糧儲既竭外無救援己丑城陷榮執孚逐出

居民凍死者什六七孚兄祐為防城都督榮大集將士

議其生死孚兄弟各自引咎爭相為死

為于偽翻

都督潘紹

等數百人皆叩頭請就法以活使君榮曰此皆魏之忠

臣義士於是同禁者五百人皆得免魏以源子邕為冀

州刺史將兵討榮

將即亮翻

裴衍表請同行詔許之子邕上

言衍行臣請留臣行請留衍若逼使同行敗在旦夕不

許十二月戊申行至陽平東北漳水曲榮帥眾十萬擊

之子邕衍俱敗死相州吏民聞冀州已陷子邕等敗人

不自保相州刺史恒農李神志氣自若

魏顯祖諱弘改弘農曰恒農相

息亮翻恒戶登翻

撫勉將士大小致力葛榮盡銳攻之卒不能

克

卒子恤翻

秦州民駱超殺杜粲請降於魏

杜粲殺莫折念生駱超又

殺杜繁羣盜互相屠滅以邀一時之利不足怪也降戶江翻

資治通鑑卷一百五十一



總校官庶吉士臣侍朝

校對官檢討臣王坦修

謄錄監生臣秦長馨